





石倉十二代詩選

唐卷之二十七

空盛唐

九

明候官曹學佺閱

南陽人

文

開北初至西魏官舍南池呈左右省及南宮諸

聖園山故人

黜官自西掖待罪臨下揚空積犬馬戀豈思鵝

鷺行素多江湖意偶佐山水鄉滿院池月靜捲

簾谿雨涼軒窗竹翠濕案牘荷花香白鳥上衣

桁青苔生筆牀數公不可見別盡相忘早年



歷代詩選  
卷之五  
迷進退晚節悟行藏他日能相訪嵩南舊草堂  
兼答秋夜宿仙遊寺南涼堂呈謙道人息上人  
太乙連太白兩山知幾重路盤石門窄匹馬行  
才通日西到山寺林下逢支公昨夜山北時星  
星聞此鐘秦女去已久仙臺在中峰簫聲不可  
聞此地留遺蹤石潭積黛色每歲投金龍亂流  
爭迅湍噴薄如雷風夜來聞清磬月出蒼山空  
空山滿清光水樹相玲瓏迴廊映密竹秋殿隱  
深松燈影落前谿夜宿水聲中愛茲林巒好結

宇向谿東相識惟山僧鄰家一釣翁林晚栗初  
坼枝寒梨已紅物幽興易愜事勝趣彌濃願謝  
區中緣永依金人宮寄服乘輦客簪裾爾何容  
潼關使院懷王七季友

王生今才子時輩咸所仰何當見顏色終日勞  
夢想驅車到關下欲往阻河廣滿目徒春華思  
君罷心賞開門見太華朝日映高掌忽覺蓮花  
峰別來更如長無心顧微祿有意在獨往不負  
林中期終當出塵網



歷代詩選 唐詩卷一  
至大梁却寄匡城主人

一從棄漁釣十載干明王無由謁天階却欲歸  
滄浪仲秋至東郡遂見天雨霜昨日夢故山蕙  
草色已黃平明辭鐵丘薄暮遊大梁仲秋蕭條  
景拔刺飛鵝鶴四郊陰氣閉萬里無晶光長風  
吹白茅野火燒枯桑故人南燕吏籍籍名更香  
聊以玉壺贈置之君子堂

宿華陰東郭客舍憶閩防

次舍山郭近解鞍鳴鐘時主人炊新粒行子充

夜饑關月生首陽照見華陰祠蒼茫秋山海蕭  
瑟寒松悲久從園廬別遂與朋知辭舊壑蘭杜  
晚歸軒今已遲

宿東谿王屋李隱者

山店不鑿井百家同一泉晚來南村黑雨色和  
人煙霜畦吐寒菜沙雁噪河田隱者不可見天  
壇飛鳥邊

郊行寄杜位

嶮嶮空城煙淒清寒山景秋風引歸夢昨夜到



汝頰近寺聞鐘聲映陂見樹影所思何由見東  
北徒引領

西蜀旅舍春歎寄朝中故人呈狄評事

春與人相乖柳青頭轉白生平未得意覽鏡私  
自惜四海猶未安一身無所適自從兵戈動遂  
覺天地窄功業悲後時光陰嘆虛擲却爲文章  
累幸有開濟策何負當途人心無矜窘厄回瞻  
後來者皆欲肆輔轡起草思南宮寄言憶西掖  
時危任舒卷身退知損益窮巷草轉深開門日  
將夕橋西暮雨黑籬外春江碧昨者初識君相  
看俱是客聲華同道術世業通往昔早須歸天  
階不得安孔席吾先稅歸鞅舊國如咫尺

宿太白東谿李老舍卽事寄弟姪

渭上秋雨過北風何騷騷天晴諸山出太白峰  
最高主人東谿老兩耳生長毫遠近知百歲子  
孫皆二毛中庭井欄上一架獼猴桃石泉飯香  
稗酒甕開新糟愛茲田中趣始悟世上勞我行  
有勝事書此寄爾曹



上嘉州青衣山中峰題惠淨上人幽居寄

兵部楊郎中 并序

青衣之山在大江之中屹然迥絕崖壁蒼峭  
周廣千里長波四匝有惠淨上人廬于其顛  
惟繩牀竹杖而已恒持蓮花經十年不下山  
予自公浮舟聊一登眺友人夏官弘農楊侯  
清談之士也素工為文獨立於世與余有方  
外之約每多獨往之意今者幽躅勝槩歎不  
得與此公俱爰命小吏刮磨石壁以識其事

乃書以達楊友爾

青衣誰開鑿獨在水中央浮舟一躋攀側逕緣

一作穿蒼絕頂詣 一作老僧豁然登上方諸嶺

一何小三江奔茫茫蘭若向西開峨眉看正相當

猿鳥樂鐘磬松蘿泛天香江雲入袈裟山月吐

繩牀早知清淨理久乃機心忘尚以名宦拘聿

來夷獠鄉吾友不可見鬱鬱為尚書郎早歲愛丹

經留心向青囊渺渺雲智遠幽幽海懷長勝賞

欲與俱引領遙相望為政愧無術分憂幸時康



君子滿天朝老夫憶滄浪况值廬山遠抽簪歸  
法王

鞏北秋興寄崔明允

白露披梧桐玄蟬晝夜彌秋風萬里動日暮黃  
雲高君子佐休明小人事蓬蒿所適在魚鳥焉  
能徇錐刀孤舟向廣武一鳥歸成臯勝槩日相  
與思君心鬱陶

春遇南使貽趙知音

端居春心醉襟背思樹萱美人在南州爲爾歌  
北門北風吹煙物戴勝鳴中園枯楊長新條芳  
草滋舊根網絲結寶琴塵埃被空樽適遇江海  
信聊與南客論

終南雲際精舍尋法澄上人  
不遇歸高冠

東潭石淙望秦嶺微雨作貽友人

昨夜雲際宿旦從西峰回不見林中僧微雨潭  
上來諸峰皆青翠秦嶺獨不開石鼓有時鳴秦  
王安在哉東南雲開處突兀獼猴臺崖口懸瀑  
流半空白皚皚噴壁四時雨傍村終日雷北瞻



長安道日夕生塵埃若訪張仲蔚衡門滿蒿萊  
敬酬杜華淇上見贈兼呈熊曜

杜侯寔才子盛名不可及祇曾效一官今已年  
四十是君同時者已有尚書郎憐君獨未遇淹  
泊在他鄉我從京師來到此喜相見共論窮途  
事不覺淚滿面憶昨癸未歲吾兄自江東得君  
江湖詩骨氣凌謝公熊生尉淇上開館常待客  
喜我二人來歡笑朝復夕縣樓壓春岬戴勝鳴  
花枝吾徒在舟中縱酒兼彈棋三月猶未還客

愁滿春草賴蒙瑤華贈諷詠慰懷抱雲心沈沈  
甲兵號中酬陝西甄判官見贈

微才棄散地拙宦慙清時白髮徒自負青雲難  
可期胡塵暗東洛亞相方出師分陝振鼓鼙二  
嶠滿旌旗夫子廊廟器迥然青冥姿闔外佐戎  
律幕中吐兵奇前者驛使來忽枉行軍詩畫吟  
庭花落夜諷山月移昔君隱蘇門浪跡不可羈  
詔書自徵用令譽天下知別來春草長東望轉  
相思寂寞山城暮空聞畫角悲



武威送劉單判官赴安西行營便呈高開

府

熱海亘鐵門火山赫金方白草磨天涯胡沙莽  
茫茫夫子佐戎幕其鋒利如霜中歲學兵符不  
能守文章功業須及時立身有行藏男兒感忠  
義萬里忘越鄉孟夏邊候遲胡國草木長馬疾  
過飛鳥天窮超夕陽都護新出師五月發軍裝  
甲兵二百萬錯落黃金光揚旗拂崑崙伐鼓震  
蒲昌太白引官軍天威臨大荒西望雲似蛇戎

夷知喪亡渾驅大宛馬繫取樓蘭王曾到交河  
城風土斷人腸寒驛遠如點邊烽互相望赤亭  
多廳風鼓怒不可當有時無人行沙石亂飄揚  
夜靜天蕭條鬼哭夾道傍地上多髑髏皆是古  
戰場置酒高館夕邊城月蒼蒼軍中宰肥牛堂  
上羅羽觴紅淚金燭盤嬌歌艷新妝望君仰青  
冥短翮難可翔蒼然西郊道握手何慨慷

北庭貽宗學士道別

萬事不可料歎君在軍中讀書破萬卷何事來



從戎曾逐李輕車西征出太蒙荷戈月窟外環  
甲崑崙東兩度皆破胡朝廷輕戰功十年祇一  
命萬里如飄蓬容髮老胡塵衣裘脆邊風忽來  
輪臺下相見披心胸飲酒對春草彈棋聞夜鐘  
今且還龜茲臂上懸角弓平沙向旅館匹馬隨  
飛鴻孤城倚大磧海氣迎邊空四月猶自寒天  
山雪濛濛君有賢主將何謂泣途窮時來整六  
翻一舉凌蒼穹

送許拾遺恩歸江寧拜親

詔書下青瑣駟馬還吳洲束帛仍賜衣恩波漲  
滄流微祿將及親向家非遠遊看君五斗米不  
謝萬戶侯適出西掖垣如到南徐州歸心望海  
日鄉夢登江樓大江盤金陵諸山橫石頭楓樹  
隱茅屋橋林繫漁舟種藥疏故畦釣魚垂直鈎  
對月京口夕觀濤海門秋天子憐諫官論事不  
可休早來丹墀下高駕無淹留

虢州郡齋南池幽興因與閣二侍御道別

池色淨天碧水涼雨淒淒快風從東南荷葉翻



向西性本愛魚鳥未能返巖谿中歲狗微官遂  
令心賞睽及茲佐山郡不異尋幽棲小吏趨竹  
徑訟庭侵藥畦胡塵暗河洛二陝震鼓輦故人  
佐戎軒逸翮凌雲霓行軍在函谷兩度聞鶯啼  
相看紅旗下飲酒白日低聞君欲朝天馳馬臨  
道嘶仰望浮與沈忽如隔雲泥夜眠驛樓月曉  
發關城雞惆悵西郊暮鄉書對君題

青龍招提歸一上人遠遊吳楚別詩

久交應真侶最歎青龍僧棄官向二年削髮歸

一乘了然瑩心身潔念樂空寂名香泛窗戶幽  
磬清曉夕往年仗一劔由是佐二庭於焉久從  
戎兼復解論兵世人猶未知天子願相見朝從  
青蓮宇暮入白虎殿宮女擎錫杖御筵出香爐  
說法開藏經論邊窮陣圖忘機厭塵喧浪迹向  
江海思師石可訪惠遠峰猶在今旦飛錫去何  
時持鉢還湖煙冷吳門淮月銜楚山一身如浮  
雲萬里過江水相思眇天外南望無窮已

送李翥遊江外



相識應十載見君只一官家貧祿尚薄霜降衣  
仍單惆悵秋草死蕭條芳歲闌且尋滄洲路遙  
指吳雲端匹馬關塞遠孤舟江海寬夜眠楚煙  
濕曉飯湖山寒砧淨紅鱸落袖香朱橋團帆前  
見禹廟枕底聞嚴灘便獲賞心趣豈歌行路難  
青門須醉別少爲解征鞍

送狄員外巡按西山軍

兵馬守西山中國非得計不知何代策空使蜀  
人弊八州崖谷深千里雲雪閉泉澆閣道滑水

凍繩橋脆戰士常苦飢糗糧不相繼胡兵猶不  
歸空山積年歲儒生識損益言事皆審諦狄子  
幕府郎有謀必康濟胸中懸明鏡照耀無巨細  
莫辭冒險艱可以裨節制相思江樓夕愁見月  
澄霽

虢州送鄭典宗弟歸扶風別廬

佐郡已三載豈能長後時出關少親友賴汝常  
相隨今日忽言別愴然俱淚垂平生滄洲意獨  
有青山知州縣不敢說雲霄誰敢期因懷東谿



老最憶南峰緇爲我多種藥還山應未遲

澧頭送蔣侯

君住澧水北我家澧水西  
兩村辨喬木五里聞  
鳴雞飲酒谿雨過彈棊山月低  
徒聞蔣生徑爾去誰相攜

送永壽王贊府逕歸縣

當官接閒暇暫得歸林泉  
百里路不宿兩鄉山  
復連夜深露濕簾月出風驚蟬  
且盡主人酒爲君從醉眠

南池宴餞辛子賦得蜎斗子

臨池見蜎斗羨爾樂有餘  
不憂網與釣幸得免  
爲魚且願充文字登君尺素書

登嘉州凌雲寺作

寺出飛鳥外青峰戴朱樓  
搏壁躋半空喜得登  
上頭始知宇宙濶下看三江流  
天晴見峨眉看如  
向波上浮迥曠煙景豁  
陰森棕栴稠願割區中  
緣永從塵外遊迴風吹虎穴  
片雨當龍湫僧房  
雲濛濛夏月寒颼颼  
迴合俯近郭寥落見遠舟



勝槩無端倪天宮可淹留一官何足道欲去令人愁

與高適薛據登慈恩寺浮圖

塔勢如湧出孤高聳天宮登臨出世界磴道盤  
虛空突兀壓神州崢嶸如鬼工四角礙白日七  
層摩蒼穹下窺指高鳥俯聽聞驚風連山若波  
濤奔湊似朝東青槐夾馳道宮館何玲瓏秋色  
從西來蒼然蒲關中五陵北原上萬古青濛濛  
淨理了可悟勝因夙所宗誓將挂冠去覺道資

無窮

出關經華嶽寺訪法華雲公

野寺聊解鞍偶見法華僧開門對西嶽石壁青  
稜層竹徑厚蒼苔松門盤紫藤長廊列古畫高  
殿懸孤燈五月山雨熱三峰火雲蒸側聞樵人  
言深谷猶積冰久願尋此山至今嗟未能謫官  
忽東走王程苦相仍欲去戀雙樹何由窮一乘  
月輪吐山郭夜色空清澄

春半與羣公同遊元處士別業



郭南處士宅門外羅羣峰勝槩忽相引春華今  
正濃山厨竹裏爨野碓藤間春對酒雲數片捲  
簾花萬重巖泉嗟到晚州縣欲歸慵草色帶朝  
雨灘聲兼夜鐘愛茲清俗慮何事老塵容況有  
林下約轉懷方外蹤

陪羣公龍岡寺泛舟

漢水天一色寺樓波底看鐘鳴長空夕月出孤  
舟寒映酒見山火隔簾聞夜灘紫鱗掣芳餌紅  
燭然金盤良友興正愜勝遊情未闌此中堪倒

載須盡主人歡

終南山雙峰草堂作

歛迹歸山田息心謝時輩晝還草堂臥但與雙  
峰對興來恣佳遊事愜符勝槩著書高窗下日  
夕見城內曩爲世人誤遂負平生愛久與林壑  
辭及來松杉大偶茲精廬近數預名僧會有時  
逐樵漁盡日不冠帶崖口上新月石門破蒼靄  
色向羣木深光搖一潭碎緬懷鄭生谷頗憶嚴  
子瀨勝事猶可追斯人邈千載



緱山西峰草堂作

結廬對中嶽青翠常在門遂耽水木興盡作漁  
樵言頃來闕章句但欲開心魂日色隱空谷蟬  
聲喧暮村曩聞道士語偶見清淨源隱几閱吹  
葉乘秋眺歸根獨遊念求仲開徑招王孫片雨  
下南澗孤峰出東原樓遲慮益淡脫略道彌敦  
野靄晴拂枕客帆遙入軒尚平今何在此意誰  
與論佇立雲去盡蒼蒼月開園

尋鞏縣南李處士別業

先生近南郭茅屋臨東川桑葉隱村戶蘆花映  
釣船有時著書暇盡日窗中眠且喜閭井近灌  
田同一泉

聞崔十二侍御灌口夜宿報恩寺

聞君尋野寺便宿支公房谿月冷深殿江雲擁  
迴廊然燈松林靜煮茗柴門香勝事不可接相  
思幽興長

南池夜宿思王屋青蘿舊齋

池上臥煩暑不櫛復不巾有時清風來自謂羲



皇人天晴雲歸盡雨洗月色新  
公事常不閒道書日生塵  
早年家王屋五別青蘿春  
安得還舊山東谿垂釣綸

過王判官西津所居

勝迹不在遠愛君池館幽  
素懷巖中諾宛得塵外遊  
何必到清谿忽來見滄洲  
潛移岷山石暗引巴江流  
樹密晝先夜竹深夏已秋  
沙鳥上筆牀谿花簪簾釣  
夫子賤簪冕注心向林丘  
落日出公堂垂綸乘釣舟  
賦詩憶楚老載酒隨江鷗

儵然一傲吏獨在西津頭

題華嚴寺瓌公禪房

寺南幾十峰峰峰翠晴可掬  
朝從老僧飯昨日崖日宿  
錫杖倚枯松繩牀映深竹  
東谿草堂路來往行自熟  
生事在雲山誰能復羈束

驪姬墓下作

夷吾重耳墓隔河相去十三里

驪姬北原上閉骨已千秋  
澮水日東注惡名終不流  
獻公恣耽惑視子如仇讎  
此事成蔓草我來逢古丘  
蛾眉山月苦蟬髮野雲愁  
欲弔二公



子橫汾無輕舟

先王武侯廟

先王與武侯相逢雲雷際感通君臣分義激魚  
水契遺廟空蕭然英靈貫千歲

文公講堂

文公不可見空使蜀人傳講席何時散高臺豈  
復全豐碑文字滅冥漠不知年

司馬相如琴堂

相如琴臺古人去臺亦空臺上寒蕭條至今多

悲風荒臺漢時月色與舊時同

嚴君平卜肆

君平曾賣卜卜肆蕪已久至今杖頭錢時時地  
上有不知支機石還在人間否

暮秋山行

疲馬臥長坂夕陽下通津山風吹空林颯颯如  
有人蒼旻霽涼雨石路無飛塵千念集暮節萬  
籟悲蕭晨鷓鴣昨夜鳴蕙草色已陳况在遠行  
客自然多苦辛



題鐵門關樓

鐵關天西涯極目少行客關門一小吏終日對  
石壁橋跨千仞危路盤兩崖窄試登西樓望一  
望頭欲白

早上五盤嶺

平車驅駟馬曠然出五盤江迴兩崖闔日隱羣  
峰攢蒼翠煙景曙森沈雲樹寒松踈露孤驛花  
密藏迴灘棧道谿雨滑畚田原草乾此行爲知  
已不覺蜀道難

春風郡齋閒坐

負郭無良田屈身狗微祿平生好踈曠何事就  
羈束幸曾趨丹墀數得侍黃屋故人盡榮寵誰  
念此幽獨州縣非宿心雲山欣滿目頃來廢章  
句終日披案牘佐郡竟何成自悲徒碌碌  
衙郡守還

世事何反覆一身難可料頭白翻折腰還家私  
自笑所嗟無產業妻子嫌不調五斗米留人東  
谿憶垂釣



臨河客舍呈狄明府兄留題縣南樓

黎陽城南雪正飛  
黎陽渡頭人未歸  
河邊酒家堪寄宿  
主人小女能縫衣  
故人高臥黎陽縣  
一別三年不相見  
邑中雨雪偏着時  
隔河東郡人遙羨  
鄴都惟見古時丘  
漳水還如舊日流  
城上望鄉應不見  
朝來好是懶登樓

白雪歌送武判官歸京

北風捲地白草折  
胡天八月即飛雪  
忽如一夜春風來  
千樹萬樹梨花開  
散入珠簾濕羅幕  
狐

裘不煖錦衾薄  
將軍角弓不得控  
都護鐵衣冷難着  
瀚海闌干百丈冰  
愁雲慘淡萬里凝  
中軍置酒飲歸客  
胡琴琵琶與羌笛  
紛紛暮雪下轅門  
風掣紅旗凍不翻  
輪臺東門送君去  
去時雪滿天山路  
山迴路轉不見君  
君雪上空留馬行處

輪臺歌奉送封大夫出師西征

輪臺城頭夜吹角  
輪臺城北旄頭落  
羽書昨夜過渠黎  
單于已在金山西  
戍樓西望煙塵黑  
漢兵屯在輪臺北  
上將擁旄西出征  
平明吹笛大



軍行四邊伐鼓雪海湧三軍大呼陰山動虜塞  
兵起連雲屯戰場白骨纏草根劔河風急雲片  
濶沙飛石凍馬蹄脫亞相勤王其苦辛誓將報  
主靜邊塵古來青史誰不見今見功名勝古人

天山雪歌送蕭治歸京

天山雪雲常不開千峰萬嶺雪崔嵬北風夜捲  
赤亭口一夜天山雪更厚能兼漢月照銀山復  
逐胡風過鐵關交河城邊飛鳥絕輪臺路上馬  
蹄滑唵靄寒氛萬里凝闌干陰崖千丈冰將軍

狐裘臥不煖都護寶刀凍欲斷正是天山雪下  
時送君走馬歸京師雪中何以贈君別惟有青  
青松樹枝

走馬川行奉送出師西征

君不見走馬川行雪海邊平沙莽莽黃入天輪  
臺九月風夜吼一川碎石大如斗隨風滿地石  
亂走匈奴草黃馬正肥金山西見煙塵飛漢家  
大將西出師將軍金甲夜不脫半夜軍行戈相  
撥風頭如刀面如割馬毛帶雪汗氣蒸五花連



錢旋作冰幕中草檄硯水凝虜騎聞之應膽懾  
料知短兵不敢接車師西門佇獻捷軍中  
文味

函谷關歌送劉評事使關西

君不見函谷關崩城毀屋至今在樹根草蔓遮  
古道空谷千年長不改寂寞無人空舊山聖朝  
無外不須關白馬公孫何處去青牛老人更不  
還蒼苔白骨空滿地月與古時長相似野花不  
省見行人山鳥何曾識關吏故人方乘使者車  
吾知郭丹却不如請君時憶關外客行到關西

多致書

胡笳歌送顏真卿使赴河隴

君不聞胡笳聲最悲紫髯綠眼胡人吹吹之一  
曲猶未了愁殺樓蘭征戍兒涼秋八月蕭關道  
北風吹斷天山草崑崙山南月欲斜胡人向月  
吹胡笳胡笳怨兮將送君秦山遙望隴山雲邊  
城夜夜多愁夢向月胡笳誰喜聞

秦箏歌送外甥蕭正歸京

汝不聞秦箏聲最苦五色纏絃十三柱怨調慢



聲如欲語一曲未終日移午紅亭水木不知暑  
忽彈黃鐘和白紵清風颯來雲不去聞之酒醒  
淚如雨汝歸秦兮彈秦聲秦聲悲兮聊送汝

與獨孤漸道別長句兼呈嚴八侍御

輪臺客舍春草滿潁陽歸客腸堪斷窮荒絕漠  
鳥不飛萬磧千山夢猶嬾憐君白面一書生讀  
書千卷未成名五侯貴門脚不到數畝山田身  
自耕興來浪跡無遠近及至辭家憶鄉信無事  
垂鞭信馬蹄西南幾欲窮天盡奉使三年獨未

歸邊頭詞客舊來稀借問君來得幾日到家不  
覺換春衣高齋清晝卷羅幕紗帽接離慵不着  
中酒朝眠日色高彈碁夜半燈花落冰片高堆  
金錯盤滿堂凜凜五月寒桂林蒲萄新吐蔓武  
城刺蜜未可餐軍中置酒夜搥鼓錦筵紅燭月  
未午花門將軍善胡歌葉河蕃王能漢語知爾  
園林歷渭濱夫人堂上泣羅裙魚龍川北盤谿  
雨鳥鼠山西洮水雲臺中嚴公於我厚別後新  
詩滿人口自憐棄置天西頭因君爲問相思否



送費子歸武昌

漢陽歸客悲秋草  
旅舍葉飛愁不掃  
秋來倍憶武昌魚  
夢着只在巴陵道  
曾隨上將過祈連  
離家十年恒在邊  
劔鋒可惜虛用盡  
馬蹄無事人已穿  
知君開館常愛客  
樗蒲百金每一擲  
平生有錢將與人  
江上故園空四壁  
吾觀費子毛骨奇  
廣睂大口仍赤髭  
看君失路尚如此  
人生貴賤那得知  
高秋八月歸南楚  
東門一壺聊出祖  
路指鳳凰山北雲  
衣沾鸚鵡洲邊雨  
勿歎蹉跎

白髮新應須守道  
勿羞貧男兒何必戀妻子  
莫向江村老却人

燉煌太守後庭歌

燉煌太守才且賢  
郡中無事高枕眠  
太守到來山出泉  
黃砂積裏人種田  
燉煌耆舊鬢皓然  
願留太守更五年  
城頭月出星滿天  
曲房置酒張錦筵  
美人紅妝色正鮮  
側垂高髻插金鈿  
醉坐藏鈎紅燭前  
不知鈎在若箇邊  
爲君手把珊瑚鞭  
射得半段黃金錢  
此中樂事亦已偏



喜韓樽相過

三月灞陵春已老故人相逢耐醉倒  
甕頭春酒黃花脂祿米只克沽酒資  
長安城中足年少獨共韓侯開口笑  
桃花點地紅斑斑有酒留君且莫還  
與君兄弟日攜手世上虛名好是關

銀山磧西館

銀山磧口風似箭鐵門關西月如練  
雙雙愁淚沾馬毛颯颯胡沙迸人面  
丈夫三十未富貴安能終日守筆硯

感遇

五花驄馬七香車云是平陽帝子家  
鳳凰城頭日欲斜門前高樹鳴春鴉  
漢家魯元君不聞今作城西一古墳  
昔來惟有秦王女獨自吹簫乘

白雲

太白胡僧歌

并序

太白中峰絕頂有胡僧不知幾百歲  
眉長數寸身不製繒帛衣以草葉恒  
持楞伽經雲壁迥絕人迹罕到嘗東  
峰有鬪虎弱者將死僧



杖而解之西湫有毒龍久而爲患僧器而貯  
之商山趙叟前年采茯苓深入太白偶值此  
僧誅我而說予恒有獨往之意聞而悅之乃  
爲歌曰

聞有胡僧在太白蘭若去天三百尺一持楞伽  
入中峰世人難見但聞鐘窗邊錫杖解兩虎牀  
下鉢盂藏一龍草衣不針復不線兩耳垂肩眉  
覆面此僧年幾那得知手種青松今十圍心將  
流水同清淨身與浮雲無是非商山老人已曾

識願一見之何由得山中有僧人不知城裏看  
山空黛色

衛節度赤驃馬歌

君家赤驃畫不得一團旋風桃花色紅纓紫鞵  
珊瑚鞭玉鞍錦韉黃金勒請君鞞出看看君騎尾  
長窄地如紅絲自矜諸馬皆不及却憶百金新  
買時香街紫陌鳳城內滿城見者誰不愛揚鞭  
驟急白汗流弄影行騎碧蹄碎紫髯胡雛金剪  
刀平明剪出三鬢高櫪上看時獨意氣衆中牽



出偏雄豪騎將獵向南山口城南狐兔不復有  
草頭一點疾如飛卻使蒼鷹翻向後憶昨看君  
朝未央鳴珂擁蓋滿路香始知邊將真富貴可  
憐人馬相輝光男兒稱意得如此駿馬長鳴北  
風起待君東去掃胡塵爲君一日行千里

裴將軍宅蘆管歌

遼東九月蘆葉斷遼東小兒采蘆管可憐新管  
清且悲一曲風飄海頭滿海樹蕭索天雨霜管  
聲寥亮月蒼蒼白狼河北堪愁恨玄兔城南皆

斷腸遼東將軍長安宅美人蘆管會佳客弄調  
啾噉勝洞簫發聲窈窕欺橫笛夜半高堂客未  
回祇將蘆管送君杯巧能陌上驚楊柳復向園  
中誤落梅諸客愛之聽未足高捲珠簾列紅燭  
將軍醉舞不肯休更使美人吹一曲

玉門關蓋將軍歌

蓋將軍真丈夫行年三十執金吾身長七尺頗  
有鬚玉門關城迥且孤黃沙萬里白草枯南鄰  
犬戎北接胡將軍到來備不虞五千甲兵膽力



歷代詩選 唐詩卷  
麤軍中無事但歡娛暖屋繡簾紅地爐織成壁  
衣花毳毼燈前侍婢瀉玉壺金鎗亂點野醃酥  
紫紱金章左右趨問着只是蒼頭奴美人一雙  
閑且都朱唇翠眉映明臚清歌一曲世所無人  
日喜聞鳳將雛可憐絕勝秦羅敷使君五馬謾  
脚蹠野草繡窠紫羅襦紅牙縷馬對檇蒲玉盤  
纖手撒作盧衆中誇道不曾輸檉上昂昂皆駿  
駒桃花叱撥價最殊騎將獵向城南隅臘日射  
殺千年狐我來塞外按邊儲爲君取醉酒剩沾

醉爭酒盞相喧呼忽憶咸陽舊酒徒

送郭又雜言

地上青草出經冬今始歸博陵無近信猶未換  
春衣憐汝不忍別送汝上酒樓初行莫早發且  
宿灞橋頭功名須及早歲月莫虛擲早年已工  
詩近日兼注易何時過東洛早晚度盟津朝歌  
城邊柳隰地邯鄲道上花撲人去年四月初我  
正在河朔魯上君家縣北樓樓上分明見恒嶽中  
山明府待君來須計行程及早回到家速覓長



歷代詩選 唐詩卷  
安使汝自書封我自開

送宇文南金放後歸太原寓居因呈太原

郝主簿

歸去不得意北京關路賒却投晉山老愁見汾  
陽花翻作灞陵客憐君丞相家夜眠旅舍雨曉  
辭春城鴉送君繫馬青門口胡姬壚頭勸君酒  
爲問太原賢主人春來更有新詩否

登古鄴城

下馬登鄴城城空復何見東風吹野火暮入飛

雲殿城隅南對望陵臺漳水東流不復回武帝  
宮中人去盡年年春色爲誰來

邯鄲客舍歌

客從長安來驅馬邯鄲道傷心叢臺下一帶生  
蔓草客舍門臨漳水邊垂楊不繫釣魚船邯鄲  
女兒夜沽酒對客挑燈誇數錢酪酏醉時日正  
午一曲狂歌壚上眠

宿蒲關東店憶杜陵別業

關門鎖歸客一夜夢還家月落河上曉遙聞秦



樹鴉長安二月歸正好杜陵樹邊純是花

寄左省杜拾遺

聯步趨丹陛分曹限紫微曉隨天仗入暮惹御  
香歸白髮悲花落青雲羨鳥飛聖朝無闕事自  
覺諫書稀

七月三日在內學見有高道舉徵宿關西

客舍寄東山嚴許二山人

雲送關西雨風傳渭北秋孤燈然客夢寒杵搗  
鄉愁灘上思嚴子山中憶許由蒼生今有望飛

詔下林丘

丘中春臥寄王子

田中開白室林下閉玄關卷跡人方處無心雲  
自閒竹深喧暮鳥花缺露春山勝事那能說王  
孫去未還

江行夜宿龍吼灘臨眺思峨眉看隱者兼寄

幕中諸公

官舍臨江口灘聲已慣聞水煙晴吐月山火夜  
燒雲且欲尋方士無心戀使君異鄉何可在况



復久離羣

漢川山行呈成少尹

西蜀方攜手南宮憶比肩平生猶不淺羈旅轉  
相憐山店雲迎客江村犬吠船秋來取一醉須  
待月光眠

敬酬李判官使院卽事見呈

公府日無事吾徒只是閒草根侵柱礎苔色上  
門關飲視時見鳥卷簾晴對山新詩吟未足昨  
夜夢東還

酬崔十三侍御登玉壘山思故園見寄

玉壘天晴望諸峰盡覺低故園江樹北斜日嶺  
雲西曠野看人小長空共鳥齊高山徒仰止不  
得日攀躋

磧西頭送李判官入京

一身從遠使萬里向安西漢月垂鄉淚胡沙費  
馬蹄尋河愁地盡過磧覺天低送子軍中飲家  
書醉裏題

陪使君早春西亭送王贊府赴選



西亭繫五馬爲送故人歸客舍草新出關門花  
欲飛到來逢歲酒却去換春衣吏部應相待如  
君才調稀

滄水東店送唐子歸嵩陽

野店臨官路重城壓御隄山開灞水北雨過杜  
陵西歸夢秋能作鄉書醉嬾題橋回忽不見征  
馬尚聞嘶

水亭送劉顥使還歸節度

無計留君在應須絆馬蹄紅亭莫惜醉白日眼

看低解帶憐高柳移牀愛小谿此來相見少王  
事各東西

送裴判官自賊中再歸河陽幕府

東郊未解圍忠義似君稀誤落胡塵裏能持漢  
節歸卷簾山對酒上馬雪沾衣却向嫖姚幕翩  
翩去若飛

送陝縣王主簿赴襄陽成親

六月襄山道三星漢水邊求凰應不遠去馬賸  
須鞭野店愁中雨江城夢裏蟬襄陽多故事爲



我訪先賢

送鄭堪歸東京汜水別業

客舍見春草忽聞思舊山  
看君灞陵去匹馬成  
臯還對酒風與雪向家河復關  
因悲宦遊子終歲無時閒  
山樓西土溫雲出  
不飲向歌數暮  
東坡送孟孺卿落第歸濟陽  
京師聖裏誰共  
獻賦頭欲白還家衣已穿  
羞過灞陵樹歸種汝陽田  
客舍少鄉信牀頭無酒錢  
聖朝徒側席濟上獨遺賢  
勸高林  
林  
水  
候  
出  
來  
醉  
良  
心  
王

送鄭少府赴滏陽

子真河朔尉  
詔里帶清漳  
春草迎袍色  
晴花拂綬香  
青山入官舍  
黃鳥度宮墻  
若到銅臺上  
應

憐魏寢荒

還高冠潭口留別舍弟

昨日山有信  
祇今耕種時  
遙傳杜陵叟  
怪我還山遲  
獨向潭上酌  
無人林下碁  
東谿憶汝處  
閒

臥對鸕鷀

送張子尉南海

唐詩

卷二十七

三

可



不擇南州尉高堂有老親樓臺重屨氣邑里雜  
鮫人海暗三山雨花明五嶺春此鄉多寶玉慎  
莫厭清貧

送張昇卿宰新淦

官柳葉尚小長安春未濃送君潯陽宰把酒青  
門鐘水驛楚雲冷山城江樹重遙知南湖上祇  
對香爐峰

送陳子歸陸渾別業

雖不舊相識知君丞相家故園伊川上夜夢方

山花種藥畏春過出關愁路賒青門酒壚別日

暮東城鴉

送任郎中出守明州

罷起郎官草初分刺史符城邊樓枕海郭裏樹  
侵湖郡政傍連楚朝恩獨借吳觀濤秋正好莫  
不上姑蘇

送四鎮薛侍御東歸

相送淚沾衣天涯獨未歸將軍初得罪門客復  
何依夢去湖山濶書停隴雁稀園林幸接近一



爲到柴扉

送張都尉東歸

白羽綠弓弦年年只在邊還家劍鋒盡出塞馬

蹄穿逐虜西踰海平胡北到天封侯應不遠燕

領豈徒然

送樊侍御使丹陽便覲

臥病窮巷晚忽驚驄馬來知君京口去借問幾

時回驛舫江風引鄉書海雁催慈親應倍喜愛

子在霜臺

送顏少府投鄭陳州

一尉便垂白數年惟草玄出關策匹馬逆旅聞

秋蟬愛客多酒債罷官無俸錢知君羈思少所

適主人賢

送秘省虞校書赴虞鄉丞

花綬傍腰新關東縣欲春殘書厭科斗舊閣別

麒麟虞坂臨官舍條山映吏人看君有知己坦

腹向平津

送江陵泉少府赴任便呈衛荊州



神仙吏姓梅人吏待君來渭北草新出江南花  
已開城邊宋玉宅峽口楚王臺不與無知己荆  
州甚愛才

奉送李太保兼御史大夫充渭北節度使

即太尉  
光弼弟

外書

詔出未央宮登壇近總戎上公周太保副相漢  
司空弓袍關西月旗翻渭北風弟兄皆許國天  
地荷成功

繞州送天平何丞入京市馬

關樹晚蒼蒼長安近夕陽回風醒別酒細雨濕  
行裝習戰邊塵黑防秋塞草黃知君市駿馬不  
是學燕王

送梁判官歸女几舊廬

女兒知君憶春雲相逐歸草堂開藥裏苔壁取  
荷衣老竹移時小新花舊處飛可憐真傲吏塵  
事到山稀

送懷州吳別駕

灞上柳枝黃壚頭酒正香春流飲去馬暮雨濕



歷代詩選 唐詩卷之三  
行裝驛路通函谷州城接太行覃懷人總喜別  
駕得王祥

送楊子

斗酒渭城邊壚頭耐醉眠梨花千樹雪楊葉萬  
條煙惜別添壺酒臨岐贈馬鞭看君頰上去新  
月到家園

發臨洮將赴北庭留別

聞說輪臺路連年見雪飛春風曾不到漢使亦  
應稀白草通疎勒青山過武威勤王敢道遠私

向夢中歸

梁州陪趙行軍龍岡寺北庭泛舟宴王侍

御

誰宴霜臺使行軍粉署郎唱歌江鳥沒吹笛岸  
花香酒影搖新月灘聲聒夕陽江鐘聞已暮歸  
棹綠川長

雪後與羣公過慈恩寺

乘興忽相招僧房暮與朝雪融雙樹濕沙閣一  
燈燒竹外山低塔藤間院隔橋歸家如欲嬾俗



慮向來銷  
山那谷  
秋開  
詞  
高  
說  
案  
吹  
松  
鱗  
必  
乘興終南東谿中作  
與  
隨  
雲  
編  
雙  
掛  
懸  
心  
問  
一  
谿  
水  
碧  
於  
草  
漣  
漣  
花  
底  
流  
沙  
平  
堪  
濯  
足  
石  
淺  
不  
勝  
舟  
洗  
藥  
朝  
與  
暮  
釣  
魚  
春  
復  
秋  
興  
來  
從  
所  
適  
還  
欲  
向  
滄  
洲

登總持閣

高閣逼諸天  
登臨近日邊  
晴開萬井樹  
愁看五陵煙  
檻外低秦嶺  
窗中小渭川  
早知清淨理  
常願奉金仙

宿岐州北郭嚴給事別業

郭外山色暝  
主人林館秋  
疎鐘入臥內  
片月到牀頭  
遙夜惜已半  
清言殊未休  
君雖在青瑣  
心不忘滄洲

携琴酒尋閭防崇濟寺所居僧院

相訪但尋鐘  
門寒古殿松  
彈琴醒暮酒  
卷幔引諸峰  
事愜林中語  
人幽物外蹤  
吾廬幸接近  
茲地典偏慵

晚過盤石寺禮鄭和尚

卷二十七

三七

江



暫詣高僧話來尋野寺孤岬花藏水碓谿水映  
風爐頂上巢新鵲衣中帶舊珠談禪未得去輟  
棹且踟躕

武威春暮聞宇文判官西使還已到晉昌

片雨過城頭黃鸝上戍樓塞花飄客淚邊柳挂  
鄉愁白髮悲明鏡青春換弊裘君從萬里使聞  
已到瓜州

高冠谷口招鄭鄠

谷口來相訪空齋不見君澗花然暮雨潭樹煖

春雲門徑稀人迹簷峰下鹿羣衣裳與枕席山

靄碧氛氳

題山寺僧房

窗影搖羣木墻陰載一峰野爐風自蕪山碓水  
能春勤學翻知誤為官好欲慵高僧暝不見月  
出但聞鐘

漢上題韋氏莊

結茅聞楚客卜築漢江邊日落數歸鳥夜深聞  
扣舷水痕侵岬柳山翠借厨煙調笑提筐婦春



來蠶幾眠

題金城臨河驛樓

古戍依重險高樓見五涼山根盤驛道河水浸  
城墻庭樹巢鸚鵡園花隱麝香忽如江浦上憶  
作捕魚郎

初授官題高冠草堂

三十始一命宦情多欲闌自憐無舊業不敢恥  
微官澗水吞樵路山花醉藥欄祇緣五斗米辜  
負一漁竿

題虢州西樓

錯料一生事蹉跎今白頭縱橫皆失計妻子也  
堪羞明主雖然棄丹心亦未休愁來無去處祇  
上郡西樓

河西春暮憶秦中

渭北春已老河西人未歸邊城細草出客館梨  
花飛別後鄉夢數昨來家信稀涼州三月半猶  
未脫寒衣

早發焉耆懷終南別業



曉笛別鄉淚秋冰鳴馬蹄一身虜雲外萬里胡  
天西終日見征戰連年聞鼓鼙故山在何處昨  
日夢清谿  
北首秋輪臺  
異域陰山外孤城雪海邊秋來惟有雁夏盡不  
聞蟬雨拂墻濕風搖毳幕羶輪臺萬里地無  
事歷三年  
雁塞通鹽澤龍堆接醋溝孤城天北畔絕域海

西頭秋雪春仍下朝風夜不休可知年四十猶  
自未封侯

輪臺卽事  
輪臺風物異地是古單于三月無青草千家盡  
白榆蕃書文字別胡俗語音殊愁見流沙北天  
西海一隅

還東山洛上作  
春流急不淺歸棹去何遲愁客葉舟裏夕陽花  
木時雲晴開蝶竦棹發起鷗鷁莫道東山遠衡



門在夢思開  
晚發五渡野  
客厭巴南地  
鄉鄰劔北天  
江村片雨外  
野寺夕陽邊  
芋葉藏山徑  
蘆花雜渚田  
舟行未可住  
乘月且須牽  
巴南舟中夜書事  
渡口欲黃昏  
歸人爭渡喧  
近鐘清野寺  
遠火點江村  
見雁思鄉信  
聞猿積淚痕  
孤舟萬里外  
秋月不堪論

入蘇江上春歎

臘月江上暖  
南橋新柳枝  
春風觸處到  
憶得故園時  
終日不如意  
出門何所之  
從人覓顏色  
自笑弱男兒

初至犍爲作

山色軒檻內  
灘聲枕席間  
草生公府靜  
花落訟庭閒  
雲雨連三峽  
風塵接百蠻  
到來能幾日  
不覺鬢毛斑

奉和中書人賈至早朝大明宮



雞鳴紫陌曙光寒鶯囀皇州春色闌金闕曉鐘  
開萬戶玉階仙仗擁千官花迎劔珮星初落柳  
拂旌旗露未乾獨有鳳凰池上客陽春一曲和  
皆難

和祠部王員外雪後早朝卽事

長安雪後似春歸積素凝華連曙暉色借玉珂  
迷曉騎光添銀燭晃朝衣西山落月臨天仗北  
闕晴雲捧禁闈聞道仙郎歌白雪由來此曲和  
人稀

中奉和某相公發益昌  
相國臨戎別帝京擁麾持節遠橫行朝登劔閣  
雲隨馬夜渡巴江雨洗兵山花萬朶迎征蓋川  
柳千條拂去旌暫到蜀城應計日須知明主待  
持衡

秋夕讀書幽典獻兵部李侍郎

年紀蹉跎四十強自憐頭白始爲郎雨滋苔蘚  
侵堦綠秋颯梧桐覆井黃驚蟬也解求高樹旅  
雁還應厭後行覽卷試穿鄰舍壁明燈何惜借



餘光

使君席夜送嚴河南赴長水

嬌歌急管雜青絲銀燭金杯映翠睂使君地主

能相送河尹天明坐莫辭春城月出人皆醉野

戍花深馬去遲寄聲報爾山翁道今日河南勝

昔時

暮春魏州東亭送李司馬歸扶風別廬

柳躡鶯嬌花復殷紅亭綠酒送君還到來函谷

愁中月歸去磻谿夢裏山簾前春色應須惜世

上浮名好是閒西望鄉關腸欲斷對君衫袖淚

痕斑

西掖省即事

西掖重雲開曙暉北山疎雨點朝衣千門柳色

連青瑣三殿花香入紫微平明端笏陪鵷列薄

暮垂鞭信馬歸官拙自悲頭白盡不如巖下掩

荆扉

首春渭西郊行呈藍田張二王簿

迴風度雨渭城西細草新花踏作泥秦女峰頭



歷代詩選 唐 卷之三  
雲未盡胡公陂上日初低愁窺白髮羞微祿悔  
別青山憶舊谿聞道輞川多勝事玉壺春酒正  
堪攜

赴嘉州過城固縣尋永安超禪師房

滿寺枇杷冬着花老僧相見具袈裟漢王城北  
雪初霽韓信臺西日欲斜門外不須催五馬林  
中且聽演三車豈料巴川多勝事爲君書此報  
京華

送盧郎中除杭州赴任

罷起郎官草初分刺史符海雲迎過楚江月引  
歸吳城底濤聲震樓端蜃氣孤千家窺驛舫五  
馬飲春湖柳色供詩用鶯聲送酒須知君望鄉  
處在道上姑蘇

六月三十日水亭送華陰王少府還縣

亭晚人將別池涼酒未酣關門勞夕夢仙掌引  
歸驂荷葉藏魚艇藤花罨客簪殘雲收夏暑新  
雨帶秋嵐失路情無適離懷思不堪賴茲庭戶  
裏別有小江潭



送郭僕射節制劔南

鐵馬環紅纓幡旗出禁城  
明王親授鉞丞相欲  
專征玉饌天厨送金杯  
御酒傾劔門乘嶮過閣  
道踏空行山鳥驚吹笛  
江猿看洗兵曉雲隨去  
陣夜月逐行營南仲今  
時往西戎計日平將心  
感知已萬里寄懸旌

滅胡曲

都護新滅胡士馬氣亦麤  
蕭條虜塵淨突兀天  
山孤

寄韓樽

夫子素多疾別來未得書  
北庭苦寒地體內今

何如

題三會寺蒼頡造字臺

野寺荒臺晚寒天古木悲  
空塔有鳥跡猶似造

書時

西過渭州見渭水思秦川

渭水東流去何時到雍州  
憑添兩行淚寄向故

園流



國流行軍九日思長安故園 時未收 長安

強欲登高去無人送酒來遙憐故園菊應傍戰

場開 西嶽龍州長安木思秦似

戲題關門 吹笛

來亦一布衣去亦一布衣羞見關城吏還從舊

路歸 三會亭 蒼龍臺

題平陽郡汾橋邊柳樹 參魯居此 郡八九年

此地曾居住今來宛似歸可憐汾上柳相見也

依依 晉韓勣

太白獻封大夫破播仙凱歌四首

漢將承恩西破戎捷書先奏未央宮天子預開

麟閣待祇今誰數貳師功 西

官軍西出過樓蘭營幕傍臨月窟寒蒲海曉霜

凝馬尾葱山夜雪撲旌竿

鳴笳疊鼓擁回軍破國平蕃昔未聞大夫鵲印

搖邊月天將龍旗掣海雲

日落轅門鼓角鳴千羣面縛出蕃城洗兵魚海

雲迎陣秣馬龍堆月照營



雲心題苜蓿峰寄家人

苜蓿峰邊逢立春胡蘆河上淚沾巾  
閨中只是空相憶不見沙場愁殺人

玉關寄長安李主簿

東去長安萬里餘故人何惜一行書  
玉關西望堪腸斷况復明朝是歲除

武威送劉判官赴磧西行軍

火山五月行人少看君馬去疾如鳥  
都護行營太白西角聲一動胡天曉

虢州後亭送李判官使赴晉絳

西原驛路挂城頭客散紅亭雨未收  
君去試看汾水上白雲猶似漢時秋

送崔子還京

匹馬西從天外歸揚鞭只共鳥爭飛  
送君九月交河北雪裏題詩淚滿衣

酒泉太守席上醉後作

酒泉太守能劔舞高堂置酒夜擊鼓  
胡笳一曲斷人腸座上相看淚如雨



草堂村尋羅生不遇

數株谿柳色依依深巷斜陽暮鳥飛門前雪滿  
無人迹應是先生出未歸

逢入京使

故園東望路漫漫雙袖龍鐘淚不乾馬上相逢  
無紙筆憑君傳語報平安

碛中作

走馬西來欲到天辭家見月兩回圓今夜不知  
何處宿平沙萬里絕人煙

赴北庭度隴思家

西向輪臺萬里餘也知鄉信日應疎隴山鸚鵡  
能言語爲報家人數寄書

趙將軍歌

九月天山風似刀城南獵馬縮寒毛將軍縱博  
場場勝賭得單于貂鼠袍

秋夜聞笛

天門街西聞搗帛一夜愁殺湘南客長安城中  
百萬家不知何人夜吹笛



春夢

洞房昨夜春風起  
遙憶美人湘江  
水枕上片時  
春夢中行盡  
江南數千里

大凡天山風沙  
及無南嶽  
馬嘶雲水帳  
下飲蒲萄平

故漢軍

詩言語為  
辨察人

石倉十二代詩選  
唐卷之二十八

盛唐

李頎  
東川人

湘夫人

九疑日已暮  
三湘雲復愁  
窈窕羅袂色  
潺湲江水流  
佳期來北渚  
捐佩在芳洲

塞下曲

黃雲雁門郡  
日暮風沙裏  
千騎黑貂裘  
皆稱羽林子  
金笳吹朔雪  
鐵馬嘶雲水  
帳下飲蒲萄  
平



生寸心是

古塞下曲

行人朝走馬直指薊城傍  
薊城通漠北萬里別  
吾鄉海上千烽火沙中百戰場  
軍書發上郡春色度河陽  
裊裊漢宮柳青青胡地桑  
琵琶山色曲橫笛斷君腸

李漁父歌

白首何老人簑笠蔽其身  
避世長不仕釣魚清  
江濱浦沙明濯足山月靜  
垂綸寓宿湍與瀨  
行歌秋復春持竿湘岬竹  
藝火蘆洲薪綠水飯香  
稻青荷包紫鱗於中還  
自樂所欲全吾真而笑  
獨醒者臨流多苦辛

東京寄萬楚

濩落久無用隱身  
甘采薇仍聞薄宦者  
還事田家衣  
賴水日夜流故人相見稀  
春山不可望黃鳥東南飛  
濯足豈長往一樽聊可依  
了然潭上月適我胸中機  
在昔同門友如今出處非  
優游白虎殿偃息青瑣闈  
且有薦吾表當看攜手歸



寄書不待面蘭茝空芳菲意吾志當吾辭手詞

寄焦鍊師

得道凡百歲燒丹惟一身悠悠孤峰頂日見三  
花春白鶴翠微裏黃精幽澗濱始知世上客不  
及山中人仙境若在夢朝雲如可親何由覩顏  
色揮手謝風塵

寄萬齊融

名高不擇仕委世隨虛舟小邑常嘆屈故鄉行  
可遊青楓半村戶香稻盈田疇爲政日清淨何  
人同海鷗搖巾北林夕把菊東山秋對酒池雲  
滿向家湖水流岬陰止鳴鵠山色映潛虬靡靡  
俗中理蕭蕭川上幽昔年至吳郡常隱臨江樓  
我有一書札因之芳杜洲

登首陽山謁夷齊廟

古人已不見喬木竟誰過寂寞首陽山白雲空  
復多蒼苔歸地骨皓首采薇歌畢命無怨色成  
仁其若何我來入遺廟時候微清和落日弔山  
鬼回風吹女蘿石門正西豁引領望黃河千里



一飛鳥孤光東逝波驅車層城路惆悵此巖阿

光上座廊下衆山五韻

名嶽在廡下吾師居一牀每聞楞伽經只對清

翠光百谷聚雪色莓苔侵屋梁氣盤古壁轉勢

引幽壑長願遊薜葉下日見金爐香

宋少府東谿泛舟

登岼還入舟水禽驚笑語晚葉低衆色濕雲帶

殘暑落日乘醉歸谿流復幾許

入河送崔侍御赴京

綠槐蔭長路駿馬垂青絲柱史謁承明翩翩將

有期千官大朝日奏事臨赤墀肅肅儀仗裏風

生鷹隼姿一從登甲科三拜皆憲司按俗又如

此爲郎何太遲送君暮春月花落城南陞惜別

醉芳草前山勞夢思

送從叔遊襄陽

言別恨非一棄置我宗英向用五經笥今爲千

里行裏糧顧庭草羸馬詰朝鳴斗酒對寒食雜

花宜晚晴春衣采洲路夜飲南陽城客夢峴山



曉漁歌江水清楚俗少相知遠遊難稱情同人  
應館穀刺史在郊迎只合侍丹宸翻令辭上京  
時方春欲暮歎息向流鶯

崔五宅送劉跋入京

行人惜寸景繫馬暫留歡昨日辭小沛何時到  
長安鄉中飲酒禮客裏行路難清洛雲鴻度故  
關風日寒維將道可樂不念身無官生事東山  
遠田園芳歲闌東歸余謝病西去子加餐宗伯  
非徒爾明時正可干躬耕守貧賤失計在林端  
宿昔奉顏色慙無雙玉盤

臨別送張譔入蜀

出門便爲客惘然悲徒御四海維一身茫茫欲  
何去經山復歷水百恨將千慮劔閣望梁州是  
君斷腸處孤雲傷客心落日感君深夢裏蒹葭  
渚天邊橘柚林蜀江流不測蜀路險難尋木有  
相思彌遠多愁苦音莫向禺山隱禺山地非近  
故鄉可歸來眼見芳菲盡

送王昌齡



漕水東去遠送君多暮情淹留野寺出向背孤  
山明前望數千里中無蒲稗生夕陽滿舟楫但  
愛微波清舉酒林月上解衣沙鳥鳴夜來蓮花  
界夢裏金陵城歎息此離別悠悠江海行木末  
留別王盧二拾遺  
此別不可道此心當報誰春風灞水上飲馬桃  
花時誤作好文士只令遊宦遲留書下朝客我  
有故山期  
昔晚歸東園無雙玉盤

出郭喜見山東行亦未遠夕陽帶歸路靄靄秋  
稼晚樵者乘霽歸野夫及星飯請謝朱輪客垂  
竿不復返

無盡上人東林禪居

草堂每多暇時謁山僧門所對但羣木終朝無  
一言我心愛流水此地臨清源含吐山上日蔽  
虧松外村孤峰隔身世百衲老寒暄禪戶積朝  
雪花龕來暮猿顧余守耕稼十載隱田園蘿蔕  
慰春汲巖潭恣討論洩雲豈知限至道莫探元



歷代詩選 唐李府 卷二十八 六  
且願啓關鎖於焉微尚存

題綦母校書所居

常稱挂冠吏昨日歸滄洲  
行客暮帆遠主人庭樹秋  
豈伊問天命但欲爲山遊  
萬物我何有白雲空自幽  
蕭條江海上日夕見丹丘  
生事非漁釣賞心隨去留  
惜哉曠微月欲濟無輕舟  
倏忽令人老相思河水流

題盧道士房

秋砧響落木共坐茅君家  
惟見兩童子林前汲井華  
空壇靜白日神鼎飛丹砂  
塵尾拂霜草金鈴搖霽霞  
上章人世隔看奕桐陰斜  
稽首開仙要黃精堪餌花

題僧房雙桐

青桐雙拂日傍帶凌霄花  
綠葉傳僧磬清陰潤井華  
誰能事音律焦尾蔡邕家

題合歡

開花復卷葉艷眼又驚心  
蝶遶西枝露風披東幹陰  
黃衫漂細藥時拂女郎砧



古從軍行

白日登山望烽火，黃昏飲馬傍交河。  
行人刁斗風沙暗，公主琵琶幽怨多。  
野雲萬里無城郭，雨雪紛紛連大漠。  
胡雁哀鳴夜夜飛，胡兒眼淚雙雙落。  
聞道玉門猶被遮，應將性命逐輕車。  
年年戰骨埋荒外，空見蒲桃入漢家。

緩歌行

小來託身攀貴遊，傾財破產無所憂。  
暮擬經過石渠署，朝將出入銅龍樓。  
結交杜陵輕薄子，謂言可生復可死。  
一沈一浮會有時，棄我翻然如脫屣。  
男兒立身須自強，十年閉戶頽水陽。  
業就功成見明主，擊鐘鼎食坐華堂。  
二八蛾眉梳墮馬，美酒清歌曲房下。  
文昌宮中賜錦衣，長安陌上退朝歸。  
五陵賓從莫敢視，三省官僚揖者稀。  
早知今日讀書是，悔作從前任俠非。

琴歌

主人有酒歡今夕，請奏鳴琴廣陵客。  
月照城頭烏半飛，霜淒萬樹風入衣。  
銅鑪華燭燭增輝，初



彈淥水後楚妃一聲已動物皆靜四座無言星  
欲稀清淮奉使千餘里敢告雲山從此始

放歌行答從弟墨卿

小來好文恥學武世上功名不解取雖沾寸祿  
已後時徒欲出身事明主柏梁賦詩不及宴長  
楸走馬誰相數歛迹俛眉心自甘高歌擊節聲  
半苦由是蹉跎一老夫養雞牧豕城東隅空歌  
漢代蕭相國肯事霍家馮子都徒爾當年聲籍  
籍濫作詞林兩京客故人丰洒安陵橋黃鳥春

風洛陽陌吾家令弟才不羈五言破的人共推  
興來逸氣如濤湧千里長江歸海特別離短景  
何蕭索佳句相思能間作舉頭遙望魯陽山木  
葉紛紛向人落

鮫人歌

鮫人潛織水底居側身上下隨游魚輕綰文絲  
不可識夜夜澄波連月色有時寄宿來城市海  
島青冥無極已泣珠報恩君莫辭今年相見明  
年期始知萬族無不有百尺深泉架戶牖鳥沒



歷代詩選 唐李廌  
空山誰復望一望雲濤堪白首  
欲之新鄉答崔顥  
數年作吏家屢空誰道黑頭成老翁  
無產業行子出門如轉蓬  
家擣衣動歸客銅鑪將炙相歡飲  
華白寒風卷葉度滹沱飛雪布地悲  
日落見棲鳥馬上時聞漁者歌  
明朝東路把君手臘日辭君期  
歲首自知寂寞無去思敢望縣人致牛酒

答高三十五留別便呈于十一

累薦賢良皆不就家近陳留訪耆舊  
韓康雖復在人間王霸終思隱巖竇  
清泠池水灌園蔬萬物滄江心澹如  
妻子歡同五株柳雲山老對一牀書  
昨日公車見三事明君賜衣遣爲吏  
懷章不使郡邸驚待詔初從闕庭至  
散誕由來自不羈低頭授職爾何爲  
故園壁挂烏紗帽官舍塵生白接離  
寄書寂寂於陵子蓬蒿沒身胡不仕  
藜羹被褐環堵中歲晚將貽故人恥



歷代詩選 卷之八  
送康洽入京進樂府歌

識子十年何不遇只愛歡遊兩京路朝吟左氏  
嬌女篇夜誦相如美人賦長安春物舊相宜小  
苑蒲萄花滿枝柳色偏濃九華殿鶯聲醉殺五  
陵兒曳裾此日從何所中貴由來盡相許白袂  
春衫仙吏贈烏皮隱几臺郎與新詩樂府唱堪  
愁御妓應傳鳩鵲樓西上雖因長公主終須一  
見曲陵侯

送劉十一

三十不官亦不娶燕人焉識道高下房中惟有  
老氏經櫪上空餘山游馬往來嵩華與函秦放  
歌一曲前山春西林獨鶴引閒步南澗飛泉清  
角巾前年上書不待意歸臥東窗兀然醉諸兄  
相繼掌青史第五之名齊驃騎烹葵摘果告我  
行落日夏雲縱復橫聞道謝安掩口笑知君不  
免爲蒼生

送王道士還山

嵩陽道士餐柏實  
店處三花對石室  
心窮伏火



陽精丹口誦淮王萬畢術自言神訣不可求我  
師聞之玄圃遊出入彤庭佩金印承恩赫赫如  
王侯雙峰樹下曾受業應傳肘後長生法吾聞  
仙地多後身安知不是具茨人玉膏清冷瀑泉  
水白雲谿中日方洗從今不見數十年鬢髮顏  
容只如是先生捨我欲何歸竹杖黃裳登翠微  
當有巖前白蝙蝠迎君日暮雙來飛  
送從弟遊江淮兼謁鄱陽劉太守  
都門柳色朝朝新念爾今爲江上人穆陵關帶  
清風遠彭蠡湖邊芳草春泊舟借問西林寺曉  
聽猿聲在山翠潯陽北望鴻雁回溢水東流客  
心醉須知聖代舉賢良不使遺才滯一方應見  
鄱陽虎符守思歸共指白雲鄉

少室雪晴送寧王

少室衆峰幾峰別一峰晴見一峰雪隔城半山  
連青松素色峨峨千萬重過景斜臨不可道白  
雲欲盡難爲容行人與我玩幽境北風切切吹  
衣冷惜別浮橋駐馬時舉頭試望南山巔



送陳章甫

四月南風大麥黃棗花未落桐陰長青山朝別  
暮還見嘶馬出門思舊鄉陳侯立身何坦蕩虬  
鬚虎眉仍大額腹中貯書一萬卷不肯低頭在  
草莽東門酤酒飲我曹心輕萬事如鴻毛醉臥  
不知白日暮有時空望孤雲高長河浪頭連天  
黑津吏停舟渡不得鄭國遊人未及家洛陽行  
子空嘆息聞道故林相識多罷官昨日今如何  
聽安萬善吹觱篥歌

南山截竹爲觱篥此樂本自邇茲出流傳漢地  
曲轉奇涼州胡人爲我吹傍鄰聞者多歎息遠  
客思鄉皆淚垂世人解聽不解賞長飈風中自  
來往枯桑老柏寒颼颼九雛鳴鳳亂啾啾龍吟  
虎嘯一時發萬籟百泉相與秋忽然更作漁陽  
摻黃雲蕭條白日暗變調如聞楊柳春上林繁  
花照眼新歲夜高堂列明燭美酒一杯聲一曲

魏倉曹東堂櫻樹

愛君雙櫻一樹奇千葉齊生萬葉垂長頭拂石



歷代詩選 唐李廌  
帶煙雨獨立空山人莫知攢青蓄翠陰滿屋紫  
穗紅英曾斷日洛陽墨客遊雲間若到麻源第  
三谷

照公院雙橙

種橙夾階生得地細葉隔簾見雙翠抽條向長  
未及肩泉水遶根日三四青青何必楚人家帶  
雨凝煙新着花永願香爐灑甘露夕陽時映東  
枝斜南庭黃竹爾不敵借問何時堪挂錫

愛敬寺古藤歌

古藤池水盤樹根左攫右拏龍虎蹲橫空直上  
相陵突丰茸離纒若無骨風雷霹靂連黑枝人  
言其下藏妖魍空庭落葉作開合十月苦寒常  
倒垂億昨花飛滿空殿密葉吹香飯僧遍南階  
雙桐一百尺相與年年老霜霰

采蓮

越谿女越谿蓮齊菡萏雙嬋娟嬉遊向何處采  
摘且同船浩唱發容與清波生漪漣時逢島嶼  
泊幾伴鴛鴦眠襟袖旣盈溢馨香亦相傳薄暮



歷代詩選 唐李賀  
歸去來苧羅生碧煙

絕纓歌

楚王宴客章華臺章華美人善歌舞玉顏豔豔  
空相向蒲堂目成不得語紅燭滅芳酒闌羅衣  
半醉春夜寒絕纓解帶一爲歡君王赦過不知  
罪暗中珠翠鳴珊珊寧愛賢不愛色青娥買死  
誰能識果却一軍全社稷

送劉昱

八月寒葦花秋江浪頭白北風吹五兩誰是濤

陽客鷓鴣山頭微雨晴揚州郭裏暮潮生行人  
夜宿金陵渚試聽沙邊有雁聲

送郝判官

楚城木葉落夏口青山遍鴻雁向南時君乘使  
者傳楓林帶水驛夜火明山縣千里送行人蔡  
州如眼見江連清漢東逶迤遙望荆雲相蔽虧  
應問襄陽舊風俗爲余騎馬習家池

寄鏡湖朱處士

澄霽晚流闊微風吹綠蘋鱗鱗遠峰見淡淡平



湖春芳草日堪把白雲心所親何時可爲樂夢  
裏東山人

宴陳六樓 樓枕金谷

西樓對金谷此地古人心白日落庭內黃花生  
澗陰四鄰見疎木萬井度寒砧石上題詩處千  
年留至今

送錢子入京

夜夢還京北鄉心恨擣衣朝逢入秦使走馬喚  
君歸驛路清霜下關門黃葉稀還家應信宿看

子速如飛

送人尉開中

可歎芳菲日分爲萬里情聞門折垂柳御苑聽  
殘鶯海戍通閩邑江航過楚城客心君莫問春  
草是王程

送人歸沔南

梅花今正發失路復何如舊國雲山在新年風  
景餘春饒漢陽夢日寄武陵書可卽明時老臨  
川莫羨魚



歷代詩選  
送顧朝陽還吳

寂寞俱不偶，裹糧空入秦。  
宦途已可識，歸臥包山春。  
舊國指飛鳥，滄波愁旅人。  
開樽洛水上，怨別柳花新。

送竇參軍

城南送歸客，舉酒對林巒。  
暄鳥迎風轉，春衣度雨寒。  
桃花開翠幕，柳色拂金鞍。  
公子何時至，無令芳草闌。

望秦川

秦川朝望迥，日出正東峰。  
遠近山河淨，逶迤城闕重。  
秋聲萬戶竹，寒色五陵松。  
客有歸歎，歎悽其霜露濃。  
歲暮共感，感發榮土賞，香岳樂。  
公昨晚歸故園，對令公香南川，野醉芬芬，  
荆扉帶郊郭，稼穡滿東菑。  
倚杖寒山暮，鳴梭秋葉時。  
回雲覆陰谷，返景照霜梨。  
澹泊真吾事，清風別自茲。

文滌寄司勳盧員外，蘇軾文心，蘇詩人本，月翅

流澌臘月下，河陽草色新年發。  
建章秦地立春



歷代詩選 唐李所  
傳太史漢宮題柱憶仙郎歸鴻欲度千門雪侍  
女新添五夜香早晚薦雄文似者故人今已賦  
長楊

寄綦母三

新加大邑綬仍黃遊與單車去洛陽顧盼一過  
丞相府風流三接令公香南川稷稻花侵縣西  
嶺雲霞色滿堂共道進賢蒙上賞看君幾歲作  
臺郎  
送魏萬之京五東  
送魏萬之京五東

朝聞遊子唱離歌昨夜微霜初渡河鴻雁不堪  
愁裏聽雲山况是客中過關城樹色催寒近御  
苑砧聲向晚多莫見長安行樂處空令歲月易  
蹉跎

送李回

知君官屬大司農詔幸驪山職事雄歲發金錢  
供御府晝看仙液注離宮千巖曙雪旌門上十  
月寒花輦路中不覩聲名與文物自傷流滯去  
關東



歷代詩選 唐李山  
宿瑩公禪房聞梵

花宮仙梵遠微微月隱高城鐘漏稀夜動霜林  
驚落葉曉聞天籟發清機蕭條已入寒空靜颯  
杳仍隨秋雨飛始覺浮生無住着頓令心地欲  
皈依

題璿公山池

遠公遯跡廬山岑開山幽居祇樹林片石孤峰  
窺色相清池白月照禪心指揮如意天花落坐  
臥閒房春草深此外俗塵俱不染惟餘玄度得

相尋

題盧五舊居

物在人亡無見期閒庭繫馬不勝悲窗前綠竹  
生空地門外青山如舊時悵望秋天鳴墜葉嶺  
岫枯柳宿寒鴟憶君淚落東流水歲歲花開知  
是誰

宿香山寺石樓

夜宿翠微半高樓聞暗泉漁舟帶遠火山磬發  
孤煙衣拂雲松外門清河漢邊峰巒低枕席世



歷代詩選 卷二十八 七  
界接人天靄靄花出霧輝輝星映川東林曙鶯  
滿惆悵欲言旋

聖善閣送裴迪入京

雲華蒲高閣苔色上鈎欄藥草空塔靜梧桐返  
照寒清吟可愈疾攜手暫同歡墜葉和金磬饑  
鳥鳴露盤伊流惜東別灞水向西看舊託含香  
署雲霄何足難

奉送漪叔遊潁川兼謁淮陽太守

罷吏今何適辭家方獨行嵩陽入歸夢潁水半

前程聞道淮陽守東南臥理清郡齊觀政日人  
馬望鄉情疊嶺雪初霽寒砧霜後鳴臨川嗟拜  
手寂寞事躬耕

送盧少府赴延陵

問君從宦所何日府中趨遙指金陵縣青山天  
一隅行人懷寸祿小吏獻新圖北固波濤險南  
天風俗殊春江連橘柚晚景媚菰蒲漠漠花生  
渚亭亭雲過湖灘沙映春火水霧歛檣鳥回首  
東門路鄉書不可無



送喬琳

草綠小平津花開伊水濱  
今君不得意孤負帝鄉春  
口不言金帛心常任屈伸  
阮公能飲酒陶令肯羞貧  
陽羨風流地滄江遊寓人  
菱歌五湖遠桂樹八公鄰  
青鳥迎孤棹白雲隨一身  
潮隨秣陵上月映石頭新  
未可逃名利應須在縉紳  
汀洲芳杜色勸爾暫垂綸

寄韓鵬

爲政心閒物自閒  
朝看飛鳥暮飛還  
寄書河上

神明宰羨爾城頭姑射山

百花原

百花原頭望京師  
黃河水流無已時  
窮秋曠野行人絕  
馬首東來知是誰

石倉十二代詩選

唐卷之二十八終



古人蘇詩首東坡集卷之三

百外風塵望京師

百外風

蘇門宰美爾娘更故根山

石倉十二代詩選

唐卷之二十九

盛唐

明候官曹學佺閱

祖詠

洛陽人

古意

楚王竟何去獨自留巫山偏使世人見迢迢江

水間駐舟春谿裏誓願拜靈顏夢寐覩神女金

沙鳴珮環閒艷絕世姿令人氣力微含笑默不

語化作朝雲飛

歸汝墳山莊留別盧象



淹留歲將宴久廢南山期舊業不見棄還山從此辭  
漚麻入南澗刈麥向東菑對酒雞黍熟閉門風雪時  
非君一延首誰慰遙相思

夕次圃田宅

前路入鄭郊尚經百餘里馬煩時欲歇客歸程未已  
落日桑柘陰遙村煙火起西還不遑宿中夜渡涇水

扈從御宿池

君王既巡狩輦道入秦京遠樹低槍壘孤峰入

幔城寒踈清禁漏夜警羽林兵誰念迷方客長

懷魏闕情

常聞贈苗發員外

宿雨朝來歇空山天氣清盤雲雙鶴下隔水一

蟬鳴古道黃花落平蕪赤燒生茂陵雖有病猶

得伴君行

答王維留宿

四年不相見相見復何為握手言未畢却令傷別離  
升堂還駐馬酌醴便呼兒語默自相對安



用傍人知

長樂驛留別盧象裴總

朝來已握手宿別更傷心  
灞水行人渡商山驛  
路深故情君且足  
謫宦我難任  
直道皆如此誰  
能淚滿襟

送劉高郵稅使入都

常聞積歸思昨夜又兼秋  
鄉路京華遠王程江  
水流吳歌喧兩畔楚客醉孤舟  
漸覺潮初上悽  
然多暮愁

觀華嶽

西入秦關口南瞻驛路連  
彩雲生闕下松樹到  
祠邊作鎮當官道雄都俯大川  
蓮峰徑上處彷彿有神仙

泗上馮使君南樓作

井邑連淮泗南樓向晚過  
望灘沙鷺起尋畔浴  
童歌近海雲偏出兼秋雨  
更多明晨擬回棹鄉  
思恨風波

蘇氏別業



別業居幽處到來生隱心南山當戶隔澧水映  
園林屋覆經冬雪庭昏未夕陰寥寥人境外閒  
坐聽春禽

汝墳別業

失路農爲業移家到汝墳獨愁常廢卷多病久  
離羣鳥雀垂窗柳虹霓出澗雲山中無外事樵  
唱有時聞

過鄭曲

路向滎川谷晴來望盡通細煙生水上圓月在

舟中岼勢迷行客秋聲亂草蟲旅懷勞自慰浙  
浙有涼風

宿陳留李少府揆廳

相知有叔卿訟簡夜彌清旅泊倦愁臥空堂聞  
曙更風簾搖燭影秋雨帶蟲聲歸思那堪說悠  
悠限洛城

題韓少府水亭

梅福幽棲處佳期不忘還鳥啼當戶竹花繞傍  
池山水氣侵堦冷松陰覆座閒寧知武陵趣宛



歷代詩選  
在市朝間

題遠公經臺

蘭若無人到真僧出復稀  
苔侵行道席雲濕坐  
禪衣澗鼠緣香案山蟬噪竹扉  
世間長不見寧  
止暫忘歸

中峰居喜見苗發

自得中峰住深林亦閉關  
經秋無客到入夜有  
僧還暗澗泉聲小荒岡樹影閒  
高窗不可望星  
月滿空山

江南旅情

楚山不可極歸路但蕭條  
海色晴看雨江聲夜  
聽潮劔留南斗近書寄北風  
遙為報空潭橘無  
媒贈洛橋

泊揚子津

纔入維揚郡鄉關此路遙  
林藏初過雨風退欲  
歸潮江火明沙岬雲帆礙浦橋  
客衣今日薄寒  
氣近來饒

七夕

歷代詩選

唐祖詠諸家

卷二十九

五

江



閨女求天女更闌意未闌玉庭開粉席羅袖捧  
金盤向月穿鍼易臨風整線難不知誰得巧明  
旦試相看

望薊門

燕臺一望客心驚簫鼓喧喧漢將營萬里寒光  
生積雪三邊曙色動危旌沙場烽火連胡月海  
畔雲山擁薊城少小雖非投筆吏論功還欲請  
長纓

家園夜坐寄郭微

前堦微雨歇開戶散窺林月出夜方淺水涼池  
更深餘風生竹樹清露薄衣襟遇物遂遙歎懷  
人滋遠心依稀成夢想影響絕徽音誰念窮居  
者明時嗟陸沈

清明宴司勳劉郎中別業

田家復近臣行樂不違親霽日園林好清明煙  
火新以文長會友惟德自成鄰池照窗陰晚杯  
香藥味春簷前花覆地竹外鳥窺人何必桃源  
裏深居作隱淪



汝墳秋同仙州王長史翰聞百舌鳥

秋天聞好鳥驚起出簾帷却念殊方月能鳴已  
後時遷喬誠可早出谷此何遲顧影慙無對懷  
羣空所思淒涼歲欲晚蕭索燕將辭留聽未終  
曲彌令心獨悲高飛憑力致巧轉任天姿返覆  
喧而靜間關斷若遺花繁上林路霜落汝川澗  
且長凌風翻乘風自有期

寄王長史

汝穎俱宿好往來託層巒終日何寂寞繞籬生

蕙蘭

終南望餘雪

終南陰嶺秀積雪浮雲端林表明霽色城中增

暮寒

萬楚

題江潮莊壁

田家喜秋熟歲宴林葉稀禾黍積場圃植梨垂  
戶扉野閒犬時吠日暮牛自歸時復落花酒茅  
齋堪解衣



小山歌

人說淮南有小山淮王昔日此登仙城中雞犬  
皆飛去山上壇場今宛然世人貴身不貴壽共  
笑華陽洞天口不知金石變長年謾在人間戀  
攜手君能舉帆至淮南家在盱眙余先詣桐柏  
亂流平入海茱萸一曲沸成潭憶記來時魂悄  
悄想見仙山象峰小今日長歌思不堪君行爲  
報三春鳥

詠簾

玳瑁昔稱華玲瓏薄絳紗鉤銜門勢曲節亂水  
紋斜日弄長飛鳥風搖不卷花自當分內外非  
是爲驕奢

西施謾道浣春紗碧玉今時闔麗華眉黛奪將  
萱草色紅裙妬殺石榴花新歌一曲令人豔醉  
舞雙眸歛鬢斜誰道五絲能續命却令今日死

君家燕幕庭

驄馬



歷代詩選 唐詩話家  
金絡青驄白玉鞍長鞭紫陌野遊盤朝驅東道  
塵恒滅暮到河源日未闌汗血每隨邊地苦蹄  
傷不憚隴陰寒君能一飲長城窟爲盡天山行  
路難

西風菜萸女  
山陰柳家女九日采菜萸復得東鄰伴雙爲陌  
上姝插枝著高髻結子置長裾作性常遲緩非  
關詫丈夫平明折林樾日入返城隅俠客要羅  
袖行人挑短書蛾眉自有主年少莫踟躕

題情人藥欄

歛眉語芳草何許太無情正見離人別春心相  
向生

王之渙 并州人

送別

楊柳東風樹青青夾御河近來攀折苦應爲別  
離多

涼州詞

黃河遠上白雲間一片孤城萬仞山羌笛何須



歷代詩選 唐詩 怨楊柳春光不度玉門關

宴詞

長堤春水綠悠悠  
畎入漳河一道流  
莫聽聲聲催去棹  
桃谿淺處不勝舟

張旭

蘇州人

青谿泛舟

旅人倚征棹  
薄暮起勞歌  
笑攬青谿月  
清輝不厭多

桃花谿

隱隱飛橋隔野煙  
石磯西畔問漁船  
桃花盡日隨流水  
洞在清谿何處邊

山行留客

山光物態弄春輝  
莫爲輕陰便擬歸  
縱使晴明無雨色  
入雲深處亦沾衣

春遊值雨

欲尋軒檻列清樽  
江上煙雲向晚昏  
須倩東風吹散雨  
明朝却待入華園

一日書



春草青青萬里餘，邊城落日見離居。  
情知海上三年別，不寄雲間一紙書。

柳

濯濯煙條拂地垂，城邊樓畔結春思。  
請君細看風流意，未減靈和殿裏時。

山王譚

後庭怨

君不見紅閨少女，端正時天天桃李。  
仙容姿幸得君王憐，巧笑披香殿裏薦。  
蛾眉雙雙入

共進常恐妾身從此擯，甄妃爲妬出層宮。  
班女因猜下長信，長信宮門閉不開。  
昭陽歌吹風送來，夢中魂魄猶言是。  
覺後精神尚未迴，念君嬌愛無終始。  
始使妾長啼，後庭裏獨立，每看斜日盡。  
孤眠直至殘燈死，秋日聞蟲翡翠簾。  
春晴照面鴛鴦水，紅顏舊來花不勝。  
白髮如今雪相似，傳聞紈扇思未歇。  
預想蛾眉上初月，如君貴僞不貴真。  
還同棄妾逐新人，借問南山松葉意，何如北砌槿花新。



夜坐看搗箏

調箏夜坐燈光裏却挂羅帷露織指朱絃一一  
聲不同玉柱連連影相似不知何處學新聲曲  
曲彈來未覩名應是石家金谷裏流傳將滿洛  
陽城  
長信怨  
飛燕倚身輕爭人巧笑名生君棄妾意增妾怨  
君情日落昭陽壁秋來長信城寥寥金殿裏歌  
吹夜無聲

閨情

日暮裁縫歇深嫌氣力微纔能收篋笥懶起下  
簾帷怨坐空然燭愁眠不解衣昨來頻夢見夫  
婿莫應知

十五夜觀燈

暫得金吾夜通看火樹春停車傍明月走馬入  
紅塵妓雜歌偏勝場移舞更新應須盡記取說  
向不來人

賈至

字幼鄰  
洛陽人



贈裴九侍御昌江草堂彈琴

朔風吹踈林積雪在崖巘鳴琴草堂響小澗清  
且淺沈吟東山意欲去芳歲晚悵望黃綺心白  
雲若在眼

巴陵早秋寄荊州崔司馬吏部閤功曹舍

沈莫人

謫居瀟湘渚再見洞庭秋極日連江漢西南浸  
斗牛滔滔盪雲夢澹澹搖巴丘曠如臨渤澥宵  
疑造瀛洲君山麗中波蒼翠長夜浮帝子去永

久楚詞尚悲愁我同長沙行時事加百憂登高  
望舊國胡馬滿東周宛葉遍蓬蒿高樊鄧無良疇  
獨攀青楓樹淚灑滄江流故人西掖寮同扈岐  
陽蒐差池盡三黜躑躅各南州相去雖地接不  
得從之遊耿耿雲陽臺迢迢王粲樓跂予暮霞  
裏誰謂無輕舟

送友人使河源

送君魯郊外下車上高丘蕭條千里暮日落黃  
雲秋舉酒有餘恨論邊無遠謀河源望不見旌



旆去悠悠

送李侍御

我年四十餘已嘆前路短羈離洞庭上安得不  
引滿李侯忘情者與我同踈懶孤帆泣瀟湘望  
遠心欲斷

送耿副使歸長沙

畫舸欲南歸江亭且留宴日暮湖上雲蕭蕭若  
流霰昨夜相知者明發不可見惆悵西北風高  
帆爲誰扇

送夏侯子之江夏

扣楫洞庭上清風千里來留歡一杯酒欲別復  
徘徊相見楚山下漁舟憶釣臺羨君還舊里歸  
念獨悠哉

寓言二首

春草紛碧色佳人曠無期悠哉千里心欲采商  
山芝歎息良會晚如何桃李時懷古晴川上佇  
立夏雲滋

凜凜秋閨夕綺羅早知寒玉砧調鳴杵始擣機



中統憶昨別離日桐花覆井欄今來思君時白露盈堦溥聞有關河信欲寄雙玉盤玉以委貞心盤以薦嘉餐嗟君在萬里使妾衣帶寬

燕歌行

國之重鎮惟幽都東威九夷北制胡五軍精卒三十萬百戰百勝擒單于前臨滹沱後易水崇山沃野亘千里昔時燕山重賢士黃金築臺從隗始倏忽興亡空薊丘漢家又以封王侯蕭條魏晉爲橫流鮮卑竊據朝五州我唐區夏餘十

紀軍容武備赫萬祀彤弓黃鉞授元帥懇耕大漠爲內地季秋膠折邊草腓治兵羽獵因出師千營萬隊連旌旗望之如火忽電馳匈奴懾窟窮髮北天荒萬里無塵飛君不見隋家昔爲天下宰窮兵黷武征遼海南風不競多死聲鼓隊旗折黃雲橫六軍將士皆死盡戰馬空鞍歸故營時遷道革天下平白環入貢滄海清自有農夫已高枕無勞校尉重橫行

巴陵寄李二戶部張十四禮部



歷代詩選 唐詩話家  
江南春草初暮暮愁殺江南獨愁客秦中楊柳  
也應新轉憶秦中相憶人萬里鶯花不相見登  
高一望淚沾巾

長門怨

獨坐思千里春庭曉景長鶯喧翡翠幙柳暗鬱  
金堂舞蝶縈愁緒繁花對靚妝深情託瑤瑟絃  
斷不成章

銅雀臺

日暮銅臺靜西陵烏雀歸撫絃心斷絕聽管淚

霏微靈几臨朝奠空牀卷夜衣蒼蒼川上月應  
照妾魂飛

侍宴曲

雲陛寒珠晨天墀覆綠楊隔簾妝隱映向席舞  
低昂鳴珮長廊靜開冰廣殿涼歡餘劔履散同  
輦入昭陽

對酒曲

梅發柳依依黃鸝歷亂飛當歌憐景色對酒惜  
芳菲曲水浮花氣流風散舞衣通宵留暮雨上



歷代詩選 唐元詩家 卷之六 其  
客莫言歸

送陸協律赴端州

越井人南去湘川水北流江邊數杯酒海內一  
孤舟嶺嶠同仙客京華卽舊遊春心將別恨萬  
里共悠悠

送王員外赴長沙

攜手登臨處巴陵天一隅春生雲夢澤水溢洞  
庭湖共歎虞翻枉同悲阮籍途長沙舊卑濕今  
古不應殊

長沙別李六侍御

月明湘水白霜落洞庭乾放逐長沙外相逢路  
正難雲歸帝鄉遠雁報朔方寒此別盈襟淚雍  
門不假彈

岳陽樓宴王員外貶長沙

極浦三春草高樓萬里心楚山晴靄碧湘水暮  
流深忽與朝中舊同爲澤畔吟停杯試北望還  
欲淚沾巾

詠馮昭儀當熊



歷代詩選 唐詩家  
白羽插雕弓 蜺旌動朔風 平明出金屋 扈輦上  
林中逐獸長 廊靜呼鷹御 苑空王孫莫 諫獵賤  
妾解當熊

早朝大明宮呈兩省僚友

銀燭薰天紫陌長 禁城春色曉蒼蒼 千條弱柳  
垂青瑣 百轉流鶯繞建章 劍珮聲隨玉墀步 衣  
冠身惹御爐香 共沐恩波鳳池上 朝朝染翰侍  
君王

白馬

白馬紫連錢 嘶鳴丹闕前 聞珂自蹀躞 不要下  
金鞭

出塞曲

萬里平沙一聚塵 南飛羽檄北來人 傳道五原  
烽火急 單于昨夜寇新秦

春思二首

草色青青柳色黃 桃花歷亂李花香 東風不爲  
吹愁去 春日偏能惹恨長

紅粉當壚弱柳垂 金花臘酒解酴醪 笙歌日暮



歷代詩選 唐詩 能留客醉殺長安輕薄兒

答嚴大夫

今夕秦天一雁來梧桐墜葉搗衣催思君獨步  
華亭月舊館秋陰生綠苔

送南給事貶崖州

疇昔丹墀與鳳池卽今相見兩相悲朱崖雲夢  
三千里欲別俱爲慟哭時

送李侍郎赴常州

雪晴雲散北風寒楚水吳山道路難今日送君

須盡醉明朝相憶路漫漫

送王道士還京

一片仙雲入帝鄉數聲秋雁至衡陽借問清都  
舊花月豈知遷客泣瀟湘水鄉來處乘興  
巴陵夜別王八員外

柳絮飛時別洛陽梅花發後到三湘世情已逐  
浮雲散離恨空隨江水長

岳陽樓重宴別王八員外貶長沙

江路東連千里潮青雲北望紫微遙莫道巴陵



歷代詩選 唐初詩家  
湖水濶長沙南畔更蕭條

初至巴陵與李十二白裴九同泛洞庭湖

二首

江上相逢皆舊遊  
湘山永望不堪愁  
明月秋風洞庭水  
孤鴻落葉一扁舟

楓岸紛紛落葉多  
洞庭秋水晚來波  
乘興輕舟無近遠  
白雲明月弔湘娥

西亭春望

日長風煖柳青青  
北雁歸飛入窅冥  
岳陽城上

聞吹笛能使春心滿洞庭

石倉十二代詩選

唐卷之二十九 終



卷之三十

唐詩卷之三十

石倉十二代詩選

唐卷之三十

盛唐 十二

明候官曹學佺閱

崔國輔 吳郡人

從軍行

塞北胡霜下營州索兵救夜裏偷道行將軍馬  
亦瘦刀光照塞月陣色明如晝傳聞賊滿山已  
共前鋒鬪

雜詩

逢着平樂兒論交鞍馬前與酤一斗酒恰用十



歷代詩選 唐詩卷之四  
千錢後余在關內作事多迍邐何肯相救援徒  
聞寶劍篇

古意

紅荷楚水曲彪炳爍晨霞未得兩回摘秋風吹  
却花時芳不待妾玉珮無處誇悔不盛年時嫁  
與青樓家

宿法華寺

松雨時復滴寺門清且涼此心竟誰證回憩支  
公牀壁畫感靈跡龕經傳異香獨遊寄象外忽

忽歸南昌

題豫章館

楊柳映春江江南轉佳麗吳門綠波裏越國青  
山際遊宦常往來津亭暫臨憩驛前蒼石沒浦  
外湖沙細向晚宴且平孤舟罔然逝雲留西北  
客氣歇東南帝獨有萋萋心誰知怨芳歲

石頭灘作

張矣秋風時余臨石頭瀨因高見超遠盡此數  
州內羽山一點青海岼雜花碎離離樹木少漭



澹湖波大日暮千里帆南飛落天外須臾遂入  
夜楚色有微靄尋遠跡已窮遺榮事多昧一身  
猶未理安得濟時代且泛朝夕潮荷衣蕙爲帶  
漂母岸  
泗水入淮處南邊古岬存秦時有漂母於此飯  
王孫王孫初未遇寄食何足論後爲楚王來誓  
欲荅母恩事迹遺在此空傷千載魂茫茫水中  
渚上有一孤墩遙望不可到蒼蒼煙樹昏幾年  
崩塚色每日落潮痕古地多墮地時哉不敢言

向夕淚沾裳只宿蘆洲村

對酒吟

行行日將夕荒村古塚無人跡蒙籠荆棘一鳥  
吟屢勸提壺沽酒喫古人不達酒不足遺恨精  
靈傳此曲寄言世上諸少年平生且盡杯中醪

宿范浦

月暗潮又落西陵渡暫停村煙和海霧舟火亂  
江星路轉定山遶塘連范浦橫鳴夷近何去空  
山臨滄溟



歷代詩選 唐詩 卷三十一  
杭州北郭戴氏荷池送侯愉

秋近萬物肅况當臨水時折花贈歸客離緒斷  
荷絲誰謂江國永故人感在茲道存過北郭情  
極望東菑喬木故園意鳴蟬窮巷悲扁舟竟何  
待中路每遲遲

怨詞二首

妾有羅衣裳秦王在時作為舞春風多秋來不  
堪着

樓前桃李踈池上芙蓉落織錦猶未成蛩聲入

羅幕

古意

玉籠薰繡裳着罷眠洞房不能春風裏吹却蘭  
麝香

襄陽曲二首

蕙草嬌紅萼時光舞碧雞城中美年少相見白  
銅鞮

少年襄陽地來往襄陽城城中輕薄子知妾解  
秦箏



魏宮詞

朝日照紅妝擬上銅雀臺  
畫眉猶未竟魏帝使人催

長信草

長信宮中草年年愁處生  
故侵珠履跡不使玉階行

長樂少年行

遺却珊瑚鞭白馬騎不行  
章臺折楊柳春日路傍情

湖南曲

湖南送君去湖北送君歸  
湖裏鴛鴦鳥雙雙他自飛

中流曲

歸時日尚早更欲向芳洲  
渡口水流急迴船不自由

王孫遊

自與王孫別頻看黃鳥飛  
應由春草誤着處不成歸



采蓮

玉淑花爭發金塘水亂流相逢良相失竝着采蓮舟

子夜冬歌

寂寥抱冬心裁羅又褰褰夜久頻挑燈霜寒剪刀冷

麗人曲

紅顏稱絕代欲竝真無侶獨有鏡中人由來自相許

小長干曲

月暗送潮風相尋路不通菱歌唱不徹知在此塘中

王昭君

漢使南還盡胡中妾獨存紫臺綿望絕秋草不堪論

秦女卷衣

雖入秦帝宮不上秦帝牀夜夜玉窗裏與他卷衣裳



今別離

送別未能旋相望連水口船行欲映洲幾度急  
搖手

衛豔詞

淇上桑葉青青樓合白日比時遙望君車馬城  
中出

渭水西別李崧

隴右長亭候山陰古塞秋不知嗚咽水何事向  
西流

送韓十四被魯王推遞往濟南府

西候情何極南冠怨有餘梁王雖好事不察獄  
中書

白紵辭

洛陽梨花落如霰河陽桃葉生復齊坐惜玉樓  
春欲盡紅綿粉絮衰妝啼

九日

江邊楓落菊花黃少長登高一望鄉九日陶家  
雖載酒二年楚客已沾裳



崔曙人

宿大通和尚塔敬贈如上人兼呈常孫二

山人

支公已寂滅影塔山上古更有真僧來道場救  
諸苦一承微妙法寓宿清淨土身心能自觀色  
相了無取森森松映月漠漠雲近戶嶺外飛電  
明夜來前山雨然燈見棲鶴作禮聞信鼓曉霽  
南軒開秋華淨天宇願言出世塵謝爾中及南

送薛據之宋州

無媒嗟失路有道亦乘流客處不堪別異鄉應  
共愁我生早孤賤淪洛居此州風土至今憶山  
河皆昔遊一從文章事兩京春復秋君去問相  
識幾人今白頭

山下晚晴

寥寥遠天淨谿路何空濛斜光照踈雨秋氣生  
白虹雲盡山色暝蕭條西北風故林歸宿處一  
葉下梧桐

潁陽東谿懷古

唐詩選

唐崔國輔者家

卷三十

八

年



歷代詩選 唐李國華詩家  
靈谿氛霧歇皎鏡清心顏空色不映水秋聲多  
在山世人久踈曠萬物皆自閉白鷺寒更浴孤  
雲晴未還昔時讓王者此地閉玄關無以躡高  
步淒涼岑壑間

早發交崖山還太室作

東林氣微白寒鳥忽高翔吾亦自茲去北山歸  
草堂仲冬正三五日月遙相望蕭蕭過潁上隴  
隴辨少陽川冰生積雪野火出枯桑獨往路難  
盡窮陰人易傷傷此無衣客如何蒙雨霜

奉試明堂火珠

正位開重屋凌空出火珠夜來雙月滿曙後一  
星孤天淨光難滅雲生望欲無遙知太平代國  
寶在名都

途中曉發

曉霽長風裏勞歌赴遠期雲輕歸海疾月滿下  
山遲旅望因高盡鄉心遇物悲故林遙不見况  
在落花時

緱山廟



遺廟宿陰陰孤峰映綠林步隨仙路遠意入道  
門深澗水流年月山雲變古今祇聞風竹裏猶  
有鳳笙音

同諸公謁啓母祠

闕宮凌紫微芳草閉閒扉帝子復何在王孫遊  
不歸春風鳴玉珮暮雨拂靈衣豈但湘江口能  
令懷二妃

九日登望仙臺仍呈劉明府容

漢文皇帝有高臺此日登臨曙色開三晉雲山

皆北向二陵風雨自東來關門令尹誰能識河  
上仙翁去不回且欲近尋彭澤宰陶然共醉菊  
花杯

登水門樓見亡友張貞期題望黃河詩因

以感興

吾友東南美昔聞登此樓人從川上逝書向壁  
中留嚴子好真隱謝公耽遠遊清風初作頌暇  
日復銷憂時與文字古跡隨山水幽已孤蒼生  
望空見黃河流流落年將晚悲涼物已秋天高



不可問掩泣赴行舟

嵩山尋馮鍊師不遇

青谿訪道凌煙曙王子仙成已飛去更值空山

雷雨時雲林薄暮歸何處

綦母潛

字季通  
荆南人

冬夜寓居寄儲太祝

自為洛陽客夫子吾知音盡義能下士時人無

此心奈何離居夜巢鳥悲空林愁坐至月上復

聞南鄰砧

春泛若耶谿

幽意無斷絕此去隨所偶晚風吹行舟花路入

谿口際夜轉西壑隔山望南斗潭煙飛溶溶林

月低向後生事且瀰漫願為持竿叟

題鶴林寺

道林隱形勝向背臨層霄松覆山殿冷花藏谿

路遙珊珊寶幡挂焰焰明燈燒遲日半空谷春

風連上潮少憑水木興暫令身心調願謝攜手

客茲山禪誦饒



題栖霞寺

南山勢迴合靈境依此住殿轉雲崖陰僧探石  
泉度龍蛇爭翕習神鬼皆密護萬壑奔道場羣  
峰向雙樹天花飛不着水月白成路今日觀身  
我歸心復何處

送儲十二還莊城

西坂何繚繞青林問子家天寒噪野雀日晚度  
城鴉寂歷道傍樹矐矐原上霞茲情不可說長  
恨隱淪賒

送章彝下第

長安渭橋路行客別時心獻賦溫泉畢無媒魏  
闕深黃鶯啼就馬白日暗歸林三十名未立君  
還惜寸陰

送崔員外黔中監選

持衡出帝畿星指夜郎飛神女雲迎馬荆門雨  
濕衣聽猿收淚罷繫雁待書稀蠻貊雖殊俗知  
君肝膽微

送賈恒明府兼寄溫張二司戶



歷代詩選 唐崔國輔詩家 十一  
越客新安別秦人舊國情舟乘晚風便月帶上  
潮平花路西施石雲峰句踐城明州報兩掾相  
憶二毛生

送宋秀才

冠古積榮盛當時數戟門舊交丞相子繼世五  
侯孫長劔倚天外短書盈萬言秋風一送別江  
上黯消魂

送鄭務拜伯父

名公作逐臣驅馬拂行塵舊國問鄖子勞歌過

鄂人一川花送客二月柳宜春奉料竹林興寬  
懷此別晨

題招隱寺絢公房

開士度人久空巖花霧深徒知燕坐處不見有  
爲心蘭若門對壑田家路隔林還言證法性歸  
去比黃金

宿太平觀

夕到玉京寢宵冥雲漢低魂交仙室蝶曙聽羽  
人雞滴瀝花上露清泠松下谿明堂訪真隱揮



手入無倪

題靈隱寺山頂禪院

招提此山頂下界不相聞塔影挂清漢鐘聲和白雲觀空靜室掩行道眾香焚且駐西來駕人天日未曛

若耶谿逢孔九

相逢此谿曲勝託在煙霞潭影竹間動巖陰簷外斜人言上皇代犬吠武陵家借問淹留日春風滿若耶

宿龍興寺

香刹夜忘歸松清古殿扉燈明方丈室珠繫比丘衣白月傳心靜青蓮喻法微天花落不盡處處鳥銜飛

茅山洞口

華陽仙洞口半嶺拂雲看窈窕穿苔壁差池對石壇方隨地脉轉稍覺水晶寒未果變金骨歸來茲路難

蒲公房

唐詩選

唐詩選補卷三

十四

祥



世界蓮花藏行人香火緣燈王照不盡中夜寂  
相傳

過融上人蘭若

山頭禪室挂僧衣窗外無人谿鳥飛黃昏半在  
下山路却聽鐘聲連翠微

薛據

河中寶鼎人

古典

日中望雙闕軒蓋揚飛塵鳴珮初罷朝自言皆  
近臣光華滿道路意氣安可親歸來宴高堂廣

筵羅八珍僕妾盡綺紈歌舞夜達晨四時固相  
代誰能久要津已看覆前車未見易後輪丈夫  
須兼濟豈能樂一身君今皆得志肯憐憔悴人

登秦望山

南登秦望山日極大海空朝陽半蕩漾晃朗天  
水紅谿壑爭噴薄江湖遞交通而多漁商客不  
悟歲月窮振緝迎早潮弭棹候長風予本萍泛  
者乘流任西東茫茫天際帆栖泊何時同將尋  
會稽迹從此訪任公



西陵口觀海

長江漫湯湯近海勢彌廣在昔坯混凝融爲百川  
泱地地形失端倪天色濔滉澆瀆東南際萬里極  
目遠無象山影乍浮沈潮波忽來往孤帆或不  
見棹歌猶想像日暮長風起客心空振蕩浦口  
霞未收潭心月初上林嶼幾遭迴亭臯時偃仰  
歲晏訪蓬瀛真遊非外獎

出青門往南山下別業

舊居在南山夙駕自伊闕榛莽相蔽虧去爾漸

趨忽散漫餘雪晴蒼茫季冬月寒風吹長林白  
日原上沒懷抱曠莫伸相知阻胡越弱年好棲  
隱鍊藥在巖窟及此離垢氛興來亦因物末路  
期赤松斯言庶不伐

題丹陽陶司馬廳壁

高鑿清洞徹儒風入進難詔書增寵命才子益  
能官門帶山光晚城臨江水寒惟餘好文客時  
得詠幽蘭

早發上東門



歷代詩選 唐崔國輔詩家 卷三十一  
十五能文西入秦三十無家作路人時命不將  
明主合布衣空惹洛陽塵

閻防帶山長句如調山水寒山詩命木子  
晚秋石門禮拜

輕策臨絕壁招提謁金仙舟車無遊徑崖嶠乃  
屬天躑躅淹景夷猶望新弦石門變溟色谷  
口生人煙陽雁叫平楚秋風急寒川馳暉苦代  
謝浮脆暫貞堅永欲臥丘壑息心依梵筵誓將  
歷劫願無以外物牽

宿岬道人精舍

早歲參道風放情入寥廓重因息心侶遂果巖  
下諾歛迹辭人間杜門守寂寞秋風剪蘭蕙霜  
氣冷淙壑山牖見然燈竹房聞搗藥願言捨塵  
事所趣非龍蠖

夕次鹿門山作

龐公嘉遯所浪迹難追攀浮舟暝始至抱杖聊  
自閒雙巖開鹿門百谷集珠灣噴薄湍上水春  
容谷裏山焦原不足險梁壑未成艱我行自春



仲夏鳥忽懸蠻蕙草色已晚客心殊倦還遠遊  
非避地訪道愛童顏安能徇機巧爭奪錐刀間  
浪迹棄人世還山自幽讀始傍巢由蹤吾其獲  
心曲荒庭何所有老樹半空腹秋蛩鳴北林暮  
鳥穿我屋栖遲樂遵渚恬曠寡所欲開卦推盈  
虛散帙攻節目養閒度人事達命知止足不學  
東國儒俟時勞伐幅

與永樂諸公夜泛黃河作

煙深載酒入但覺暮川虛映水見山火鳴榔聞  
夜漁愛茲山水趣忽與人世踈無暇然官燭中  
流有望舒

丁仙芝

潤州曲  
阿人

贈朱中書

十年種田濱五湖十年遭滂盡爲蕪頻年井稅  
常不足今年緡錢誰爲輸東鄰轉穀五之利西  
鄰販繒日已貴而我守道不遷業誰能肯敢效  
此事紫微侍郎白虎殿出入通籍廻天眷晨趨



歷代詩選 唐崔國輔詩家 卷三十 十九  
綵筆柏梁篇畫出雕盤太官膳會應憐爾居素  
約可卽長年守貧賤

戲贈姚侍御

繁霜曉幕鳴柏烏侍子獸炭然金爐重門啓鎖  
紫髯胡新披驄馬隴西駒頭戴解豸急晨趨明  
光殿前見天子今日應彈佞倖夫

餘杭醉歌贈吳山人

曉幙紅襟燕春城白項烏只來梁上語不向府  
中趨城頭坎坎鼓聲曙滿庭新種櫻桃樹桃花

昨夜撩亂開當軒發色映樓臺十千兌得餘杭  
酒二月春城長命杯酒後留君待明月還將明  
月送君回

剡谿館聞笛

夜久聞羌笛寥寥虛客堂山空響不散谿靜曲  
宜長草木生邊氣城池泛夕涼虛然異風出鬢  
鬚宿平陽

渡楊子江

旌節中流望空波兩畔明林開楊子驛山出潤



州城海盡邊陰靜江寒朔吹生更聞楓葉下浙  
瀝度秋聲

長寧公主舊山池

平陽舊池館寂寞使人愁座卷流黃簟簾垂白  
玉鈎庭閒花自落門閉水空流追想吹簫處應  
隨仙鶴遊

京中守歲

守歲多然燭通宵莫掩扉客愁當暗滿春色向  
明歸玉斗巡初匝銀河落漸微開正獻歲酒千

里間庭闈

江南曲三首

長干斜路北近浦是見家有意來相訪明朝出  
浣紗

發向橫塘口船開值急流知郎舊時意且請攏  
船頭

昨暝逗南陵風聲波浪阻入浦不逢人歸家誰

信汝

張潮

一作張朝  
曲阿人



歷代詩選  
江風行

壻貧如珠玉壻富如埃塵貧時不忘舊富日多  
寵新妾本富家女與君爲偶匹惠好一何深中  
門不曾出妾有繡衣裳葳蕤金縷光念君貧且  
賤易此從遠方遠方三千里思君心未已日暮  
情更來空望去時水孟夏麥始秀江上多南風  
商賈歸欲盡君今尚巴東巴東有巫山窈窕神  
女顏常恐遊此方果然不知還

長干行

憶妾深閨裏煙塵不曾識嫁與長干人沙頭候  
風色五月南風興思君下巴陵八月西風起想  
君發揚子去來悲如何見少離別多湘潭幾日  
到妾夢越風波昨夜狂風度吹折江頭樹森森  
暗無邊行人在何處北客真王公朱衣滿江中  
薄暮來投宿數朝不肯東好乘浮雲驄佳期蘭  
渚東鴛鴦綠浦上翡翠錦屏中自憐十五餘顏  
色桃花紅那作商人婦愁水復愁風

采蓮詞



歷代詩選 唐有國朝詩家 三  
朝出沙頭日正紅晚來雲起半江中  
賴逢鄰女曾相識竝着蓮舟不畏風

江南行

茨菰葉爛別西灣蓮子花開猶未還  
妾夢不離江水上人傳郎在鳳凰山

李嶷

少年行三首

十八羽林郎戎衣侍漢王臂鷹金殿側挾彈玉  
輿傍馳道春風起陪遊出建章

侍獵長楊下承恩更射飛塵生馬影滅箭落雁  
行稀薄暮隨天仗聯翩入瑣闈

王劔膝邊橫金杯馬上傾朝遊茂陵道依宿鳳  
凰城豪吏多猜忌無勞問姓名

淮南秋夜呈周備

天淨河漢高夜閒砧杵發清秋忽如此離恨應  
難歇風亂池上萍露光竹間月與君共遊處勿  
作他鄉別

林園秋夜作

歷代詩選

唐崔國輔諸家 卷三十

三十一

吳



林臥避殘暑白雲長在天賞心既如此對酒非  
徒然月色徧秋露竹聲兼夜泉涼風懷袖裏茲  
意與誰傳

袁瓊

明皇  
時人

鴻門行

少年買意氣百金不辭費學劍西入秦結交北  
遊魏秦魏多俠人與代亦殊倫由來不相識皆  
是暗相親寶馬青絲轡狐裘貂鼠服晨過劇孟  
遊暮投咸陽宿然諾本云云諸侯莫不聞猶思

百戰術更逐李將軍始從灞陵下遙遙度朔野  
北風聞楚歌南庭見胡馬胡馬秋正肥相邀夜  
合圍戰酣烽火滅路斷救兵稀白刃縱橫逼黃  
塵飛不息虜騎血灑衣單于淚沾臆獻凱雲臺  
中自言塞上雄將軍行失勢部曲遂無功新人  
不如舊舊人不相救萬里長飄颻十年計不就  
棄置難重論驅馬度鴻門行看楚漢事不覺風  
塵昏寶劍中夜撫悲歌聊自舞此曲不可終曲  
終淚如雨



惠文太子挽歌

寒仗丹旄引陰堂白日違  
暗燈明象物畫水濕  
靈衣羽化淮王去仙迎  
太子歸空餘燕銜土朝  
夕向陵飛人不昧妹萬里  
昇騰離千手信不旋  
中薛維翰士執紼軍計夫  
獲陪曲盡無心餘人  
雙落 古歌二首  
血點天單于知故  
凱婦贈雲  
美人怨何深含情倚金閣  
不頻復不語紅淚雙  
美人閉紅燭獨坐裁新錦  
頻放剪刀聲夜寒知

未寢

春夜裁縫

珠箔因風起飛蛾入最能  
不教人夜作方便殺  
明燈

春女怨

白玉堂前一樹梅  
今朝忽見數花開  
見家門戶尋常閉  
春色因何入得來

怨歌

百尺珠樓臨狹斜  
新妝能唱美人車  
皆言賤妾



紅顏好要自狂夫不憶家

房瑄 河南人

題漢州西湖八景來

高流纏峻隅城下緬丘墟決渠信浩蕩潭島成  
江湖結宇依迴渚水中信可居三伏氣不蒸四  
達暑自徂同人千里駕鄰國五馬車月出共登  
舟風生隨所如舉麾指極浦欲極更盤紆繚繞  
各殊致夜盡情有餘遭亂意不開卽理還暫祛  
安得長晤語使我憂更除

許宣平 新安人

醉歌

負薪朝出賣沽酒日西歸借問家何在穿雲入  
翠微

李陽冰

阮客舊居

阮客身何在仙雲洞口橫人間不到處今日此  
中行

石倉十二代詩選

唐卷之三十一 終



中亦

劉客與何山此雲臥日蘇人間不歷數今日此

劉客書曰臥下細在彼洪災有浩劫

李則水 亦地消水中宿可居三伏氣不

翠嶽 自昔則人千里駕海國五馬車月出

負藤障日寶古國日 四嶺清閑家向五采雲人

補知

補宣平

入  
蘇安





